

筆記小說大觀

集

玉芝堂談薈

明徐應秋輯

第十五冊

進步書局校印

卷之二

卷之二

卷之二

卷之二

玉芝堂談薈卷三十三

姑茂徐應秋君義父輯

龍生九子

戒菴漫筆載李西涯懷麓堂集云。龍生九子。不成龍。各有所好。因牛平生好音樂。今胡琴頭上刻獸。是其遺像。睚眦平生好殺。今刀柄上龍吞口。是其遺像。嘲風平生好險。今殿角走獸。是其遺像。蒲牢平生好鳴。今鐘上獸紐。是其遺像。狻猊平生好坐。今佛座獅子。是其遺像。霸下平生好負重。今碑座獸。是其遺像。狴犴平生好訟。今獄門上獅子頭。是其遺像。負屭平生好文。今碑兩旁文龍。是其遺像。螭吻平生好吞。今殿脊獸頭。是其遺像。又陸文量菽園雜記云。古器物異名屬鼎。其形似龜。性好負重。故用戴石碑。螭吻其形似獸。性好望。故立殿角上。徒牢其形似龍而小。性好吼叫。有神力。故懸於鐘上。憲章其形似獸。有威。性好囚。故立於獄門上。饕餮性好水。故立橋上。蟋蟀形似獸。鬼頭性好腥。故用於刀柄上。螻蛄其形似龍。性好文彩。故立於碑文上。金狻其形似獅。性好烟火。故立於香爐上。椒圖形似螺蚌。性好閉口。故立於門上。蚩蚩其形似龍而小。性好立險。故立於護朽上。鯨魚其形似龍。好吞火。故立於屋脊上。

獸物其形似獅子好食陰邪故立門環上金吾形似美人人首魚尾有兩翼其性通靈不昧故用巡警云出山海經博物志然今本皆無之其名凡十三與前說異弘治間秦陵令中官問龍生九子名目於李少師東陽李不能悉詢於吏部劉員外績得其說於故冊面上因據以復胡侍真珠船稱歷考傳記睚眦見戰國策蝘蝓政范睢傳蒲牢見班固東都賦注狻猊見穆天子傳及爾雅狴犴見字林鬮負見西京賦吳都賦虫蚋當作鴟尾漢世越巫請以厭火都不見有龍子之說霸下一作蚘蝮

龍見洵陽

易稱飛龍在天又稱乘龍御天龍者帝王之象其見宜為吉祥乃考之記傳晉恭帝元年冬東方黑龍四昇於天齊清河元年齊州濟河水中見八龍昇天唐武墨三年有龍三十見洵陽水中顯慶二年五月庚寅有五龍見於岐州皇后泉前燕慕容皝時有黑白二龍見於龍山王僧虔傳有龍五色八鸚鵡州其時並非治平又考晉書呂光庶子纂篡位咸寧二年有龍出東箱井中到殿前蟠卧比旦失之俄有黑龍升於當陽九宮門鳩摩羅什曰龍者陰類出入有時而今屢見則為災眚必有下人謀上之變則其為不祥固彰彰矣魏為晉制則蘭陵之龍屢見於井中宋信誣妄則茅山

之龍或騰於幡上龍黎夏庭而殷祚殄龍乳人家而孫皓降黃山有死龍王莽伏誅之徵也野王山有死龍漢獻將廢之兆也齊稱木德伐枯桑而得死黃龍於孔中兆武成之亡也周色尚黑黑龍墜死亳州則周武之殞也至宋紹興八年夏金虜熙州灤水有蒼龍見明日有黃龍以爪擊嬰兒為戲者三又有帝者服乘白馬六蟾蜍在其前尤從來未有之異也

龍背有金彩三道

宋上清宮先天節道場香火龕中獲小龍背有金彩三道尾有翠文寸餘紹興初朱勝非出守江州過梁山龍入其舟纜長數寸赤背綠腹白尾黑爪目有光政和元年夏兩晝夜凡數日及開霽開封府茶肆中有異物如犬蹲踞卧榻下身僅七尺色蒼黑其頭類驢兩頰作魚頰而色正綠頂有角甚長於其際分兩歧聲如牛鳴與世所繪龍無異行都瑤橋旌忠廟有二蛇出沒大者盈尺方鱗金色首脊有金錢遇霽忽變化數十百遊蕉卉間右四則果龍耶物有似之而未必真龍耶

鹽龍

楊用修云吉吊上岸與鹿交或在水邊遺精遇流槎枯枝粘裹號紫稍花道樞所謂

鹽龍有益幃箔者也。小說蕭注從狄殿前之破蠻洞也。收其寶貨珍異得一龍長尺許。云是鹽龍蠻人所募。藉以銀盤每鱗中出鹽少許。以玉筋搃得。用酒和飲之。可以助陽。後因蔡元度就其體舐鹽而龍死。與楊說微不同。

守藏龍

酉陽雜俎稱龍在閻浮提者五十七億。龍於瞿陀尼不降濁水。西州人食濁則天單越人惡冷風雲不發冷。於弗娑提州不作雷聲。不見電光。東洲人惡之也。杰公謂羅子春制龍石能制徵風雨。召戎虜之龍不能制海王珠藏之龍。又云震澤洞中有千歲龍能變化。出入人間。善譯時俗之言。是龍之類。固不一也。玄怪錄開元中葉天師講經於明州奉化縣。忽一老父禮拜。自云守藏龍。守此千歲。方免炎沙之罰。令為胡僧呪水。欲取統天鎮海之寶。天師以符救之。波停風息。老父泣謝。仙師命致清泉。遂成石渠。經冬不竭。至今謂之天師渠。又唐乾符中有僧日以課誦為事。因下峽泊舟白帝。夜深持念。忽覺有腥穢氣。水面一人曰。某姓許。名道坤。唐初為夔牧。以貪殘受業報。為灑瀕堆龍王三千年。於今二百四十年矣。適聞師持課。故來迎謝耳。僧曰。峽路險惡。多覆溺之患。盍救諸龍而禁戢之可乎。曰。此類實繁。皆業報所作。非常力所

能制也。僧將問，忽失同光中。滄州民於路逢白蛇，以繩繫之，攢其頭落，須臾雷電撮此子上空中。為雷火焚燒，死墜地，背有朱書曰：此人殺安天龍，為天符所誅。裴劍傳奇開成初，僧金剛仙西域人，居清遠峽山寺，善拘鬼神，制蛟螭於峽山潭，傍搖錫而呪。水開見底，有一泥鰍，長三寸許，躍入瓶中。語寺僧曰：此龍也。吾至海門，以藥煮為膏塗足，則渡海若履平地。是夜龍王化白衣叟，持黃金百兩，以餽寺僧，懇捨其龍。金剛仙傾鰍於潭，泛船而歸。道書陳希夷初隱武當山，有五老人來聽講易，謂希夷曰：吾輩日月池中龍也。此地非君所棲，令希夷閉目，凌空御風，及張目，已在華山石上。或云希夷之睡，乃五龍所授螫法也。曇超居靈苑山，一定累日，忽見一人作禮曰：弟子赤亭山神也。村民驚山壞，龍窟羣龍忿誓，三百日不雨，令已百日。田地枯涸，欲屈救蒼生，超許之。乃至赤亭為龍祝願，龍亦悔悟，化為人，見禮於超。明日大雨。西湖遊覽志佛國記波知國有三池，大池有龍王，次者龍婦，小者龍子。行人設祭，乃得過，不祭多遇風雲。伽藍記西方烏場國，西有池，龍王居之。龍王每作神變，國王輒投金玉珍寶，祈之名曰龍王寺。寺僧衣食待龍而濟。古龜茲王阿主兒有神力，能降毒蛇。龍時有人買市人金銀寶貨錢，至夜悉化為灰。王有男，先出家成阿羅漢果。王問之曰：此龍

所為居北山王至龍所叱龍驚起化為獅子王乘其上龍曰王勿殺我當與王乘心有所向隨心而至王后遂乘龍而行韓退之詩銜時龍戶集上日馬人來吳垞云長安有龍戶見水即知有龍或引出但如鯢魚

紅葉化龍

龍神物也奮則起於天衢蟄可藏於草甲其可醞者特蛟蜃之類耳酉陽雜俎有史秀才者元和中與道流遊華山時暑月環憇一小溪忽有一葉大如掌紅潤可愛隨流而下史接得實懷中須臾覺漸重潛起視之覺葉上鱗起粟粟而動史驚懼棄林中遽白衆曰此必龍也可速去下山未半風雨大至霏雪錄山東民婦一臂有物隱然膚中屈結如蛟龍狀婦喜時時以臂浸盆水中一日雷電交作婦自牖出臂一龍擘雲而去稽神錄王建稱尊於蜀其嬖臣唐道襲夏中大雨所蓄猫戲水簷溜下視之稍稍而長俄而前足及簷雷霆大至化為龍而去高僧傳什僧伽閑而宴息見神告曰天方亢陽百姓苗死身胡藏其嬾龍耶伽曰為之奈何神曰若令夕但小指出窗隙外其如人何伽依之其夜霆擊異常質明視指微有紅線脈焉聞奇錄唐金州僧文淨因夏屋漏滴於腦遂成小瘡經年若一大桃來歲五月後因雷霆震文

淨睡中不覺寤后贅痛人視之如刀割有物隱處乃蟠龍之狀也嘉話錄釋道宣持律第一。忽一旦霹靂繞戶外。宣曰。吾持律無犯若宿業則不知之。視其十指甲有一點如油麻在右小指上。乃出於隔子孔中。一震而失。黑處是蛟龍之所蟠也。異苑陶侃嘗捕魚得一織梭。還掛於壁。有頃雷雨。梭變成赤龍。從屋騰躍而去。傳奇載崑山縣遺尺潭。本大曆中村女為皇太子妃。遺玉尺化為龍。至今遂成潭。杜陽編。德宗時。日林國獻龍角。釵類玉紺色。上刻蛟龍之形。帝賜獨孤后。與帝汎舟龍池。有紫雲自叙上而生。俄頃滿舟中。帝命置室內。以水噴之。化為二龍。騰空去。集異記。唐元和間。都尉韋宥出牧溫州。忽忽不樂。一日晚涼。跨馬登岸。依舟而行。忽淺沙亂流。蘆葦青翠。因縱轡飲馬。而蘆枝有拂鞍者。宥熟視。見有新絲箏。絃周纏蘆心。宥即收蘆伸絃。其長倍尋。試縱之。應手復結。宥家有妓。即付箏。妓曰。我於蘆心得之。試施於器。以聽其音。妓安於箏。更無少異。唯短二三寸耳。方饌。妓即置之。□□復結。食罷視之。則已蜿蜒搖動。妓驚告眾。競來觀之。而雙眸瞭然矣。宥駭曰。得非龍乎。命衣冠焚香致敬。盛諸盂水之內。投之於江。纜及中流。風雷昏暗。白龍百尺。擎攫升天。霏雪錄。有縫人坐一室。忽壁聲中瑟瑟有聲。少間至壁處。一小蛇隨出。隨大俄風雨。化龍而去。酉

陽雜俎僧無可言近傳有白將軍者嘗於曲江洗馬馬忽跳而驚走前足有物白如衣帶縈繞數匝遽令解之流血數升白異之遂藏紙帖中寘衣箱內一日送客至澆水出示諸客客曰盍以水試之白以鞭築地為竅置虫於中少頃虫蠕蠕而長竅中泉湧有黑氣如香烟竟出簷外眾怪之曰此必龍也急歸未數里風雨驟至大震數聲蜀邨有青將郭彥郎行舟峽江至羅雲漑方食而卧心神恍惚夢一黃衣曰莫錯已於口中探一物而去覺來咽喉腫痛於時篙公輩但見船上雷雨晦冥震聲甚厲則龍入口也古琴錄荀季和有琴曰龍唇一日大風雨失去三年後復大風雨有黑龍飛入李膺堂中膺諦視之曰此荀季和舊物也送還季和恐復飛去嵌金於背以厭之改名曰飛龍宣室志政陽法喜寺唐元和末寺僧頻夢一白龍自渭水來至殿西楹蟠繞且久乃直東而去每夢則明日必雨或言佛寺亦龍所居故釋氏有天龍八部僧召工合土為偶龍而於殿西楹置焉蜿蜒鱗鬣甚得雲間之勢豐慶初見一物從西軒直出乘雲望渭水而去夜將分始歸西軒下細視之白龍也又數日寺僧盡出赴齋及歸視像龍已失矣及晚陰雲起渭水而遍佛宇像龍已在西楹上鬚鬣鱗甲若盡沾濕因以鐵鎖系之金徽變化錄孫登琴遇雨必有響如及物聲竟因

陰雨破作數截。有黑蛟湧去。張僧繇嘗於金陵安樂寺畫四龍。不點目睛。謂點之則騰驤而去。人以為誕。固請之。因為落墨。纔及二龍。果雷電破壁。徐視畫已失矣。猶圍吳興有村媪。畜一伏雌於床下。為霹靂所擊。死庭中。媪子持刀。后門燭治之。驚刀一下。光怪燭天。忽見一青蛇。從鷄腸中蜿蜒入水。霹靂一聲。蒼龍上騰於天矣。玉筍山錄。漢武帝時。玉筍山民感山靈異。謀共置一觀。既構闕中。梁一條忽一夜震雷風烈。天降白玉梁一條。光彩瑩目。因號玉梁觀。魏武帝時。遣使取之。化為白龍。劈烟霧而去。晉永嘉戴氏子。入郁木山。見兩青石。搯白玉梁於岩下。其上赤書五行皆天文雲篆。又如隱雷之聲。鱗甲張起。飛去不知其所。雲仙雜記。南唐時。有蒼頭持龍水圖來。貨或得之。將練為衣。忽釜中雲蒸起。見二龍騰躍穿壁而去。蘄州有白龍源山。當見白鶴伏卵。化龍而去。

龍蛻

春渚紀聞。橫海清池縣尉張澤。居於鄆州東城。夜自莊舍還。而月色昏暗。過道傍木枝。燐然有光。因折以燭路。至家插壁間。晨起取視。則枝上有一龍蛻。大如新蟬之殼。頭角爪尾俱全。暗則光燭於室。北夢瑣言。江南蘆荻之間。往往燒起龍。唐天復中。澧

州葉源村民鄧氏子燒畬草積於天井。火勢既盛，龍突出騰在半空，風力益甚狂。燭彌熾，擺之不落，竟仆地而死。長亘數百步。朱梁末，長州民向氏燒起一龍，四面風雷急，雨不能滅，口口煨燼而角不化，瑩白如玉。向氏寶而藏之。唐年補錄，咸通末，青龍闕死於桐城縣。百姓胡氏庭中，時四月尚有蠶箔在庭，忽雷聲暴起，雲中有擊觸聲，血如醜雨，灑蠶箔上而不汗，箔漸旋結聚，拾置掌中，冷痛入骨。初龍拖尾及地，遠一泔補，即騰身入雲。及雨，悉是泔也。龍既死，長十餘丈，身尾相半，尾本褊薄，鱗鬣皆魚。惟有鬚長二丈，其足有赤膜翳之，雙角長二丈。南史：永明五年，獻龍角一枝，長九尺三寸，色紅有文。世說：晉陸士衡嘗餉張華以鮓，華發器使曰：此龍肉也。以苦酒濯之，必有異。試之，有五色光起。士衡乃窮其所繇。鮓主曰：家園中積茅下，得一白魚，質狀殊常，以作鮓，過美，故以餉陸也。琴莊美事：崔奉國家一種李肉厚而無核。識者曰：天罰乘龍必割其耳，耳血墮地，故生此李。拾遺記：海人乘霞舟，以雕壺盛數升龍膏，獻昭王。昭王然以為燈，光曜百里。手參碁記：取蛻龍牙一枚，手握之，臨局自然機變橫出。續松漠記：聞阿保機居西樓口，氊帳中晨起，見黑龍長十丈，蜿蜒其上，引弓射之，即騰空夭矯而逝，墮於黃龍府之西，相去已千數百里，纔長數尺，其骸在金國內。

庫尾鬣支體俱全。雙角已為人所截。法苑珠林。俱名國有商人驅八牛。牧於澤中。時有離車捕得一□□將□之商人以八牛易致。取放別池中。龍忽□□□□□□龍女與八餅金云。此是龍金。截已□□□□□□眷屬終身用之不盡。又貞觀十八年□□□□□□雲中落一石。大如碓。脊高腹平。□□□□□□伽陁善提寺。長年師到西京。敕問之。是龍食。二龍相爭。故落下耳。開寶六年。漢陽軍獻蛤。有文隱起。龍長五寸。金色鱗甲皎然。

鳳皇見新蔡

漢甘露三年二月。鳳皇集新蔡。群鳥四面行列。皆向鳳皇立。以萬數。光武十七年十月。鳳皇五高八九尺。毛羽五彩。集潁川郡。羣鳥並從行列。蓋地數頃。留十七日乃去。晉穆帝升平四年二月辛卯。鳳皇將九子見鄆鄉之豐城。梁武穆九年。海州言鳳皇見於城上。羣鳥數百隨之。宋真宗景德元年五月庚寅午時。白州有三鳳自東來。入城中。眾禽圍繞。至萬歲寺。棲百尺木上。身長九尺。高五色冠如金杯。申時北向而去。金章宗太和二年八月。武安縣鼓岩聖臺有鳳鳥集於臺上。其羽五色爛然。文多赤黃。頰冠鷄頂。尾潤而修。狀若鯉魚尾。而長高逾人。九子差小。侍傍亦高四五尺。禽鳥以

萬數形色互異或飛或蹲或步或立大者在內小者在外皆成行列首皆正向如朝拱村民懼為官司所擾驅牛數十頭擊折以逐之未至二里即有鷲鳥翼長丈餘擊水牛皆死鳳為日所照則有二大鳥更迭蔭庇日下乃止凡三日乃從西北去縣中三日無鳥雀村民掘臺下三尺許得金劍不可取折其半化為金蟬飛去至於漢昭元始三年鳳見於東海太始元年鳳集於膠東四年鳳集於北海地節二年鳳集於魯元康元年鳳集於泰山陳留元康四年鳳獲於南郡神雀二年鳳集於京師四年又集於京師又鳳皇十一集於杜陵集於上林漢安延光三年鳳集於濟南又集於京北元嘉元年見於濟陰光和四年見於新城延康元年集於石邑又郡國十三言鳳皇見吳黃武二年見蒼梧黃龍元年鳳見於武昌寶鼎四年鳳見於西苑泰始元年鳳見於上黨高都又鳳皇二見於河南山陽鳳皇三見於馮翊下邳升平五年鳳集於馮北天監初鳳見於建康集於蘭陵永初元年鳳見於山陰孝建元年鳳見於丹徒王建天祐七年鳳見於萬歲縣章帝元和二年以來至章和元年三年而鳳皇三十九見果於來儀之瑞同符否耶鐵山圍叢談博白有遠村號錄舍其民自誇山多鳳皇詰之云其狀如鷲五色有冠居大木之顛穴木而巢遇天氣清明必雙出出

以雙飛所過則諸鳥斂翼俯首而伏不敢鳴噉古人謂南方丹山有鳳信矣

按建武中。有大鳥集東陽。五采皆備。赤色居多。沈約以為焦明。郁離子。南方之鳥。五采而象鳳。名昭明。其性好亂。出則天下有兵。瑞應圖。肅敬狀如鳳。皇銳喙。見則荒歉之應。又西方曰鷓鴣。疫之感。東方曰發明。喪之感。南方曰鷦明。水之感。北方曰幽昌。旱之感。皆似鳳而非鳳。然則前之所云鳳見者。殆未必真鳳乎。洞冥記。東方朔游房林之野。獲九色鳳雛。

頻迦鳥

酉陽雜俎。鳥有四千五百種。獸有二千五百種。偶就諸書中。摘羽族之異者。迦陵仙

禽也。在卵殼中。鳴聲已歷眾鳥。

楞嚴經。迦陵仙音。通十方界。溫陵云。其聲和雅。佛音似之。

又頻伽。共命鳥。一頭兩

身。

會述之。頻迦。迦陵。此翻好聲音。

蒼梧有鳥名馮霄。吐五色氣。啣土成境。積珠成瓏。其珠輕細如塵。

桂海虞衡志。鳥鳳如喜雀。色紺碧。頸毛類雄雞。鬚頭有冠。尾垂二弱骨。各長一尺四五寸。其妙始有毛羽。一簇冠尾絕異。大畧如鳳。鳴聲清越。如笙簫然。度曲妙合宮商。又能為百虫之聲。馬韓有長尾鷄。尾長五尺。滇中有鳥名信天公。食魚而不能捕。俟魚鷹所得。偶墜者拾而食之。蠻溪叢笑金鷄。羽族似雉者。金項火背班尾楊翹。志意

故

卷

卷三十三

七

揭驕籠之不能馴。唐史咸通中。吳越有異鳥。極大。四目五足。鳴山林。其聲曰羅平。占曰國有兵。人相食。北戶錄。端新州有鳥類青鯁而嘴大。常在池塘間捕魚而食。每作一聲。則有蚊子群出口。按爾雅曰鷦鷯。母註以鳥鷦而大。黃白雜文。鳴如鴿聲。廣志云蚊母。此鳥吐出蚊也。其翅堪為扇。辟蚊子。大中祥符六年。代州五台山有吉祥鳥。見七發。溷章白鷺。溷章鳥名。杜少陵詩。竹林為我啼。清畫竹林鳥名。同州有之色正。清如雀善啼。應菴隨筆。山菌子鳥名。如小鷄。無尾。生江東山林間。酉陽雜俎。鷦鷯一名墮翬。形似鷽。人射之。則啣矢反射之。墨客揮犀。河州有禽名骨託。狀如鷹。高三尺許。常鳴。自呼其名。能食鐵石。郡守每置酒。輒出以饗座客。或疑鐵石至堅。非可食之物。乃取三寸白石繫以絲繩。擲其前。即啄而吞之。良久牽出。其石已如泥矣。外荒記。南海有狗國。有飛涎鳥。似鼠兩翼。如鳥而脚赤。每至晚。諸禽栖未散之前。各占一樹口。中有涎如膠。遠樹飛涎。沾灑眾枝葉。他禽如在網中。乃徐食之。如竟午不獲。即空中逐而涎惹之。無不中焉。拘弭國有却火雀。純黑。大小似燕。其聲清。殆不類尋常禽鳥。置於火中。火自散去。輿地志。愛州移風洞有潮鷄。鳴長且清。如吹角。每潮則鳴。一名林鷄。其冠四開如芙蓉。九華山志。念佛鳥大如鳩。羽色黃褐。翠口相間。而成文音。

韻清滑。如誦佛聲。一名念佛子。朝野僉載。劍南彭蜀間有鳥大如指。五色畢具。有鳥似鳳。食桐花。謂之桐花鳥。李德裕有桐花鳳扇賦序。劉績霏雪錄云。即東坡所謂綠毛么鳳也。俗名倒掛。唐僧隱巖詩。五色毛衣比鳳雛。深春花裏口如無。美人買得偏憐愛。移向金釵重幾銖。益部方物畧記桐花鳳。二月桃花始開。是鳥翱翔其間。丹碧成文。纖嘴長尾。仰露以飲。至花落輒去。贊曰。金花之露。俗曰鳳類。綠羽纖爪。薄背翠尾。花落則隱。以是見貴。李之儀有阮郎歸一詞。詠倒掛云。此鳥以十二月來。日間焚好香。則收而藏之。羽翼間。夜則張尾翼而倒掛以放香。一名收香倒掛。又名探花使。性極馴。好集美人釵上。宴客終席不去。又益部方物畧有鳥名紅桐。背出永康軍山谷中。絳體若赭。惟羽間差異。人亦畜之。然不能久也。塚煌新錄。膺蘇割刺在答魯之左大澤中。有天仙椒。大如彈丸。焚之香徹數十里。每燃椒。則有鳥自雲際踰躑。五色名類爾鳥。蓋鳳凰之種。峨眉山有護花鳥。至春則啼。若云無偷花果。彷彿人言云。酉陽雜俎。魚復縣南山有鳥。大如鴿。鴿羽色多黑。雜以黃白。頭頗似雉。有時吐物。長數寸。丹采彪炳。形色類綬。因名吐綬鳥。又食必蓄嚙臆前。大如斗。慮觸其嚙。行每遠草木。故一名避株鳥。又馬鷄。出洮州。衛背脚紅。羽毛綠。唐代宗大曆八年九月。武功獲

大鳥肉翅狐首四足有爪長四尺餘毛赤如蝙蝠羣鳥隨而噪之昭宗天復三年宣
州有鳥如雉而大產有火光如散星集於戟門明日大火乳母鳥是產婦死變化作
之能取人之子以為己子胸前有兩乳食大粥琶羅國有駝鶴長六七尺有翼能飛
或燒赤熱銅鐵與之食瀛洲有藏珠鳥如鳳身紺翼丹每翔鳴而吐珠累斛杜陽編
順昆明國有嗽金鳥形如雀而色黃飴以真珠飲以龜腦鳥常吐金屑如粟可以為
器博羅縣羅浮山出五色鵲貴人至則先翔集九華山志音聲鳥一名雲韶部形
練鵲毛具五色喙紅足碧一種畧小羽間玄黃□□或紅暮春早秋時一見之風
輕烟煖聲響互發如聆簫韶搗藥鳥月夜獨鳴於深巖幽谷中啼曰克丁當宛如杵
臼敲戛聲王梅溪詩聞說仙翁搗藥處鳥聲依舊克丁當影娥池有升蓬鴨赤色每
止於芙蓉上不食五穀惟啣葉上垂露亦名垂露鴨續博物志江浙有鳥名飛生狐
首肉翅四足如獸飛而生子即隨母后有人難產以其爪安胸腹間立驗杜陽編朱
來鳥紅嘴紺毛尾長於身巧解人言善別人意天祿閣外史扶桑之野有鳥曰搖光
感日之精千歲一孕其形如龜三輔黃圖飛廉神禽也一名龍雀能致風氣身似鹿
頭如雀有角而蛇尾文如豹拾遺記底支之國獻重明之鳥一名雙精玄雙精在目

狀如鷄鳴似鳳時解落毛羽以肉翮而飛能搏逐猛獸虎狼西陽雜俎齊郡函山有鳥足青嘴赤素翼絳頰名王母使者昔漢武登此山得玉函長五寸帝下山玉函忽化為白鳥飛去世傳山上有王母藥函常令鳥守之拾遺記章帝永寧元年條支國進鳥名鳩鵲形高七尺解人言有吉樂事則鼓翼翔鳴五色雀五色斑駁如樂官和俗呼聲音雀宋紹興間嘗集興化郡治榕木之上或曰即十二紅十二羣中有一紅又煩驚鳥鳥屬庸渠鳥似鳧灰色而鷄脚一名章渠箴疵鳥似魚虎而蒼黑色駮驤鳥似山雉而小冠背毛黃腰下赤項綠色其尾毛紅赤毛彩鮮明昆鷄似鶴黃白色見子虛賦漢武時畢勒國獻細鳥以方尺玉為籠數百頭狀如蠅聲如鳩鵲此國以候日因名候日蟲集宮人衣輒蒙愛幸羅浮山有鳥名碧鷄毛彩如孔雀而五距通典軒渠國多九色鳥青口綠頸紫翼紅膺絳質丹足碧身細背玄尾亦名九尾鳥亦名錦鳳其青多紅少謂之綉鸞常從弱水西來或云是西王母之禽鷓鴣水鳥如鷺而大長頸赤目其毛辟水毒有紅衣娘身綠而尾紅青耕出堇理之山如鵲青身白喙白目白尾可以禦疫其鳴自叫一名紅裙鳥又有黃匡鳥似鳥畧小首尾黑而翅黃象蛇出陽山鳥狀如雌雉而五采以文是自為牝牡其名自護顧渚山記顧渚山

中有鳥如鴝鵒而小。蒼黃色。每至正二月作聲云。春起也。至三四月作聲云。春去也。採茶人呼為報春鳥。博物志。精衛鳥。文首白。喙赤。足本赤。帝女溺死東海。其神化為此鳥。常取西山木石以填東海。水經注。林邑城外。香桂成林。異羽翔集。有鳥名歸飛。鳴聲自呼。俞益期曰。其背青。其腸赤。丹心外露。鳴情未達。路有萬里。何繇歸哉。訶陵國出綠鳩。似鸚鵡而小。不能人言。俗名柑撫鳥。其五彩者名採鳩。三佛齊出火鷄。大如鶴頸。有二紅軟冠。狀如紅褐。嘴尖毛如羊毛。好食熱炭。吐氣亦成烟焰。泉郡志。山胡。大如鳩。蒼色。兩腮圓點。黑白相映。清調如鶯。清異錄。隋宦者劉繼銓獻芙蓉鷗。二十四隻。毛色如芙蓉。

辨異鳥

武帝時有獨足鶴。人皆不知。以為怪異。東方朔奏曰。此山海經所謂畢方鳥也。見則其邑有譌。火驗之。果是。幽明錄。楚文王獵。有人獻鷹。得異物。有博物君子曰。此鴈雛也。文王厚賞之。異類傳曰。漢武時。西域獻異鷹。得鴈雛。眾莫能識。惟東方朔識之。尚書故實。孝武時有獻異鳥者。時人莫識。東方朔曰。此畢鸞也。見山海經。洽聞記曰。后漢時。有鳥頭長五尺。鷄首。燕額。備五色。而多青光。武問百官。咸以為鳳。蔡衡獨曰。多

青者鸞也。晉說人有得鳥毛長三丈以問張華。慘然曰：此海鳧毛也。出則天下亂矣。

附

羅子憲隨錄：唐永徽中，西南吐火羅國獻駝鳥，高七尺，性好食鐵，人有中鐵鏃入骨者，食其糞立消。菽園雜記：成化中，滿刺加進火雞，軀大如鶴，羽毛雜生，好食火炭。朱東冠楮談海：西富浪國有大鳥，駝蹄蒼色，能食火鼓翅而行，其高丈餘。羅浮山記：越王鳥出新州，似鳧而勾喙，喙中受二升。此鳥不踐地，不飲江湖，不食百草蟲魚，惟噉木葉，糞似薰陸香，可治雜瘡。廉州記：新寧縣有獨足鳥，其大如鵠，其色蒼，其鳴自呼曰：獨足。臨海異物志：東垂有鳥，文身赤口而一足，惟食蟲多，不害稻粱，其鳴如嘯聲。俗名獨足佛。本行經：雪山下有二頭鳥，同共一身。其一名迦婁茶鳥，其一 name 憂波迦嚙茶鳥。二鳥一頭若睡，一頭便寤。

騶虞見壁山

蜀王建三年，騶虞見壁山，而二鹿隨之。漢靈帝時，五色鳥見新城，而衆鳥隨之。唐元和七年，麟見龍州，一鹿引之，而群鹿隨之。宋祥符六年，吉祥鳥見代州，四黃鳥導之，而四鵲食之。魏大武元年，白燕集於盛樂舊都，而玄鳥千數隨之。唐天寶八年，武功

獲大鳥。狐首肉翅。毛赤如蝙蝠。四足有爪。群鳥隨而噪之。唐懿宗時。吳越有大鳥。四目三足。其聲曰羅平。唐貞元。群鳥噉柴為城於滕縣中。有白鳥一。碧鳥一。宋真宗時。舒州大鳥。人面綠毛。紺爪嘴。水禽山鳥。環繞馴狎。晉懷時。洛陽地陷。而二鵝出。蒼者飛。白者止。晉元時。濰縣掘地得二犬。雌者死而雄者后。先天二年。蛇蝦蟆鬪於朝堂。蛇長踰丈。而蝦蟆如盤。宣和四年。玄武見於雄州。龜大如錢。而蛇若朱漆。筋牡馬產石於咸陽。大如升。而有綠毛。白龍吐黃金於汾州。廣有尺而長五寸。斯並羽毛之孽。不知其徵應何屬。聊彙誌於此。以廣異聞。

尊耳石穀

獸之異者。埤雅。騶虞。白虎黑文。西方之獸。山海經。騶虞。五色畢具。尾長於身。國朝永樂二年。周王楠獻騶虞。白質黑章。宣德二年。又見於來安縣。瑞應圖曰。酋耳似虎。絕大不食生物。見虎豹即殺之。風土記。石穀似貉而形短。常捕取猿猴神異。經無損者。南方之獸。如鹿豕。頭有牙。鹿尾。善依人。求五穀。割取肉不病。肉自復。其肉惟可作鮓。使糲肥美。而咋肉不壞。吞不入。糲盡更深。肉復作鮓。名不盡鮓。蜀地志。黃腰。一名殫微。一名虔己。鼯身狐首。生子長大。群逐其母。太平廣記。蝸斗狀如犬而食火。糲復為火。

能燒人屋。司馬彪云：犖獸名，狀如狗，有角，文身，五彩。南州異物志：果然獸，身如犬，面通身白色，體不過三尺，而尾長四尺餘，其毛長細柔滑，白質黑文，青口黑頰，有鬣，集十餘皮，可得一卷。名畫記：建州浦城縣山有獸，名縣神，豕身人首，好出水邊石上，張平子往寫之，入潭中不出。或云：此獸畏畫，故不去。紙筆果出。漢書西域傳：烏弋地有桃拔，章和元年，安息國獻獅子符拔，似麟而無角。孟康曰：桃拔一名符拔，似鹿長尾，一角為天祿，兩角為辟邪，金樓子：西湖有牛名白及。作玄中記今日割取其肉，明日其瘡即滿。一統志：忽魯謨斯國產福祿，似驢而花文，可愛，神異，經倒壽獸如虎，豪長三尺，人面虎足，口牙一丈八尺，人或捕之，獸聞繆不退，惟死而已。子虛賦：騰遠射于漢書音義：似狐能緣木。又云：鉞猛氏，郭璞注：蜀中有獸，狀如熊而小，毛淺有光澤，名猛氏。孫氏瑞應圖：周匝者，神獸也。知星宿之變化，王者德盛則至。又曰：富貴者鳥形獸頭也。一統志：抵詭獸，其性忠直。秦文公時，陳倉人獵得獸若麋而不知其名，道逢二童子曰：此名糝弗述。酉陽雜俎云：常在地中，食死人腦，暖姝繇箒，朝廷外國所進之獸，有米兜西，形體與象無異，而小於猪，有昔雅阿失。中國謂之草上飛，形如小玳瑁，班貓雙耳，尖豎，獅子猛獸，見之畏服。雲窗雜志：神鳥之山有獸名麟，主服眾獸而卻。

百邪此獸欲溺則虎伏地仰首麟主於是乘其背而溺其口故中國溺器名虎子也
上林賦射遊鳥輾飛遽注鳥羊山精飛遽神獸也鹿頭而龍身集微紘超入泰山遇
一物如獐頭若婦人鬢髻簪珥悉具此方輝也五百年一見見者壽軒轅本記黃帝
登恒山於海濱得白澤神獸能言通於萬物之情因問天下鬼神之事自古精氣為
物游魂為變凡一萬一千五百二十種帝乃令寫為圖作祝邪之文以祝之又招賢
獸出魔伽陀國性善不干人形如獅子若國人賢良相訪則見獨步獸出良州形如
獅子頭尾虎豹文身黃角行有意氣故名獨步可辟群魅又舍利獸能吐金拾遺記
岱輿山有獸名嗽月形似豹飲金泉之液食銀石之髓此獸夜噴白氣其光如月可
照數十畝瀛州有獸名嗅石其狀如麒麟不食生卉不飲濁水嗅石則知有金玉吹
之則金沙寶璞粲然可用又倉光之獸居水中善覆人船流波山有獸其名曰菱其
皮為鼓槪以雷獸之骨聲聞五百里蜀都賦注貆獸毛黑白臆似熊而小以舌舐鐵
須臾便數十斤出建寧郡鬱林異物志曰州留者其實水牛蒼毛豕身角若擔矛衛
護其犢與虎為讐又肇慶有騰紆嶺山產騰紆狀類木猴頭正方類人髮長尺餘常
覆其面欲有所視輒搖頭以手披之神異經渾沌狀如犬目不見耳不聞腹無五臟

腸直不旋食而徑過人有德行抵觸之亮惡馬依之構枕如虎而大毛長三尺人面
虎足猪牙尾長丈八一名傲狼一名難訓窮奇一名神狗出却山如牛蝟毛音如嗥
狗食人一日狀如虎有翼食人見忠信之人則嚙而食之見奸邪之人則擒禽獸而
飼之竅竅出少咸之山如牛而赤身人面馬足若山海經所載狴狴如禺而白耳鹿
蜀如虎而赤尾搏訖如羊九尾而四耳其目在背狸力如豚而有距長在如禺而四
耳猾衰如人而羸鼠蠱雕如雕而有角藏羊如羊而馬尾豪羗如豚而白毛羗如禺
而長臂攬如如鹿而白尾馬足人手朱厭如猿而白首赤足舉父如禺而文臂天狗
如狸而白首徽猗如牛毫如披簔白身四角誰如狸一目而三尾駮如馬白身黑尾
而一角窮奇如牛而蝟毛孰湖馬身而鳥翼人面蛇尾臙疏如馬而一角孟槐如羗
而赤毫足訾如禺而有鬣牛尾馬蹄諸犛如豹而長尾八首牛耳那父如牛而白尾
旄牛如牛而四節生毛竅竅如牛而赤身人面馬足諸懷如牛而四角人面羸耳居
暨如橐而赤毛驛如鷹羊而四角天馬如白犬而黑頭領胡如牛而赤尾辣辣如羊
而一目一角目在耳后從從如犬而六足猗猗如豚而有珠軫軫如牛而虎文仇徐
如兔而鳥喙鷓目而蛇尾朱孺如狐而魚翼徽徽如狐而有翼蠶姪如狐而虎爪九

首九尾。夜夜如馬而羊目。四角牛尾。嬰胡如麋而魚目。精精如牛而馬尾。獨狃如狼而音豚。赤首鼠目。當康如豚而有牙合。竊如羸而人面。黃身而赤尾。蜚如牛而白首。一目而蛇尾。肚肚如狸而白尾。移即如膜。赤喙赤目而白尾。梁渠如狸白首而虎爪。聞鱗如羸。黃身白頭而白尾。蛻如龜。白身赤尾。崑崙山有九門。門有開明獸守之。類虎而九首。蠶蚨如豚而有角。馬腹人面而虎身。夫諸如白鹿而四角。麇如貉而人目。犀渠如牛而蒼身。山膏如豚而赤。若丹火。狔狼如狐而白尾。長耳。雍和如獾而赤目。赤尾。黃身。獐如犬而虎爪。狻如橐而赤如火。又淮南萬畢術歸終。知來猩猩。知往歸終。神獸也。又子虛賦。乘遺風。射游騏。注游騏。天上神獸。呂氏春秋。地大則有常祥。不庭。岐母群抵。天翟不周。山大則有虎豹熊羆。常祥等。亦不知何物。

野鱗

癸辛雜識。邕宜以西南丹諸蠻皆居窮崖絕谷間。有獸曰野鱗。黃髮椎髻。跣足裸形。上下山谷如飛。猿自腰以下。有皮累垂。蓋膝若犢鼻。力敵數壯夫。遇男子必求負去。求合。或刺殺之。至死以手護腰間。剖視得印方寸。瑩若蒼玉。字類符篆。不可識。酉陽雜俎。豹澤大如犬。其膏宣利。以手及銅鐵瓦器承之。悉透。以骨盛。乃不漏。徼外勃樊。

州有狷狷獸似獺而無毛。惟從鼻上竟脊至尾有青毛。廣一寸。長三四分。大者重十斤。獵者得之。斫刺不傷。薪焚不死。以大杖擊其骨碎之。乃斃。許往復齋日記。雲南貴州深山中。產一種獸。形類獼猴。而白毛。巢於高樹之上。其子孫以次下枝覓果。老者已食。衆乃敢食。名曰宗彝。楮談。騰中有地名緬箐。常有二獸出見。大如索駝。毛色碧綠。獅首象蹄。牛尾有齒而無牙。頂戴肉角。見人則伏地而鳴。父老言。此獸見則有兵。利瑪竇輿地志。昆麻刺有獸類狸而人足。腹下有皮。可張可翕。所生之子。休息其中。

蒲稍駒駝

楊用修曰。古良馬。名歸風。速日。上取於天也。歷口。絕塵。下取於地也。綠蛇。青蛇。取於龍也。紫燕。黃鵠。取於鳥也。其餘或取於鷹。或取於虎。或取於魚。或取於兔。草木則桃花。艾葉。米色。則赭白。玄黃。珍寶。則銀褐。金麟。王元美備考。其名載於宛委餘編。余錄之。而稍綴其漏。庶幾便簡閱焉。馬賦有蒲稍駒駝。驕驕走狐。馱馱腰裏。金啄騰黃。駒吾吉光。一曰吉量。白蟻啟服。母兜飛鴻。野麋。蛾鹿。腹丹。駝駟口血。驪驥。巨虛。陳琳武庫賦。馬有駿龍。紫鹿。文的。躡魚。尸子。馬有紫燕。蘭池。秀驥。逢驪。鷄斯。鬻膝。黃子。馬有晨風。黃鵠。韓非子。有蒼龍。桃文之乘。穆王八駿。赤驥。盜驪。白義。山子。踰輪。渠黃。華駟。

綠耳。秦王七馬追風。白兔躡影。奔電飛翮。銅爵。晨鳧。文帝九逸。浮雲。赤電。絕群。逸驃。
紫燕。駟綠螭。馳龍子。麟駒。絕塵。貞觀時。骨利幹。進十驥。騰霜白。皎雪。馳凝露。懸光。
馳決波。駒飛霞。驃發電。赤流金。馱翔麟。紫奔紅。赤天寶中。大宛進汗血馬。明皇製谷。
紅玉輦。紫玉輦。瑤山輦。凌雲輦。飛香輦。百花輦。唐太宗六馬。拳毛騶。黃馬。黑喙。平劉。
黑闥。什伐赤。純赤色。平王世充。白蹄烏。純黑色。四蹄俱白。平薛仁果。颯露紫。紫燕。馳。
平東都。特勒驃。黃色。喙微青黑。平宋金剛。青駒。蒼白雜色。平竇建德。樂志。太宗破竇。
建德乘黃。馳驃。馮奉世傳。宣帝有大宛象龍。世說。昭烈有的。虛魏書。魏武有絕影。呂。
布有赤兔。曹真有驚帆。魏文有卑鮮黃耳。又遺孫權馬名織離。陳思獻魏文。大宛紫。
駢齊高祖龍驤。赤丹閔朱龍。劉琬騏驎。雄吐谷渾青海。馳隋文帝獅子。馳唐明皇。昭夜。
白五花。馳廣陵妖亂志。高駢有大烏。五代史。朱溫賜冠彥卿一丈烏。清異錄。王昶傾。
金錢市名馬。凡得五匹。各有位號。曰金鞍使者。千里將軍。致遠侯。渥注郎。驥國公。又。
曰魏王。繼茂。蜀馬二十。曰麋香駒。錦耳駒。駱十二。起日駒。徧界玉。陷米駒。長命駒。孫。
兜。馳龍。菘白。八百哥。掠地雲。錦地龍。雪面娘。月影三。玉尾駒。撒河駒。天花駒。旋風白。
窄地嬌。六尺金。啣蟬奴。馬癖記。哥舒翰有馬名赤將軍。常居安梅澗。詩話。姚興有青。

獅子。杜重威吉祥坐景延廣肉胡床邵氏聞見錄仁宗玉道遙載記慕容廆有赭白通鑑姚襄有拳眉騮宋書袁顏有飛燕又墨莊漫錄神宗亦有玉道遙談苑神宗有小鳥梁武炤殿玉獅子又有河南國赤龍駒又紫騮東方朔步景王氏彙苑張飛豹月兔寰宇記張飛有玉追煬帝獅子駢代宗九花虬德宗神智騮如意驄國史補代宗有望雲驊烟雲過眼錄李伯時貌天廐滿川花又有于闐錦膊驄秦叔寶忽雷駉宋太宗碧雲駉河間王琛追風赤曹洪白鶴曹彰白鶴曲端有鐵象梅聖俞鐵獼赫連白口騮又玉面駢又有連錢驄燕友白九馬圖有拳毛獅子杜詩荆南節度使衛伯玉有玉腕騮採蘭雜志李白馬名黃芝齊東野語畢再遇有黑大虫國朝洪武四年貴州夷翠謫所進水西之馬名飛越峯文皇帝戰時所乘八駿龍駒赤兔烏兔飛黃銀褐棗騮黃馬正統四年撒馬兒罕所進馬色玄蹄額皆白賜名瑞穎世廟演馬南城玉驕驪白玉駢碧玉驕炤夜白銀河練瑤池駿飛雲白神廟十二駿玉獅龍赤電龍戴月鳥五花駿彩麟文豹金麟絳虬橫玉騮立雲驄躡雲驄五花驄意廟四騎太平駒玉龍媒吉良乘璿臺駿

許謹氏曰古者牧馬之數四馬為乘四乘為皂三皂為繫六繫為廐一廐二百一

十六馬良馬則乘有圍師阜有趣馬繫有馭夫駑馬則六麗一師六師
一趣馬六趣馬一馭夫天子十二閑馬六種五良一駑諸侯六閑三良三駑

爾雅膝上皆白馬四散皆白驢駑膝下也四蹄皆白首俗呼踏雪馬前足皆白駿後足皆白

駒前右足白啟左白蹄後右足白驤左白鬃駟馬白腹駟驪馬白跨驪駟赤色黑鬃驪黑色

跨脾白州燕州尾本白驤尾尾白駟駒額白顛戴星馬也白達素懸素鼻也俗所謂漫

齒面額皆白惟驪田毛在膺宜乘在肘后減陽在幹第方在背闊廣皆別旋毛所在之名

逆毛居駟馬毛逆刺玄駒裏驂玄駒馬別名牡曰騰牝曰駘駢白駘黃白驪駟馬黃脊駢驪

馬黃脊駟青驪駟青驪駢令之連錢駒青驪繁鬣駢驪白雜毛鶴黃白雜毛駟令

桃花陰白雜毛駟陰淺黑色令之泥驄蒼白雜毛駢形白雜毛駢令之禡白馬黑鬣駢白馬

黑唇駢黑喙駢令之淺黃色為駢馬一目白牘二目白魚

古相馬者寒風吳相口齒麻胡相頰女厲相目衛忌相鬣許鄙相尻代錫相胸脇

管青相臆吻陳非相股脚秦牙相前君贊相后

相馬經馬白額入口者榆鴈一名的盧奴乘客死主乘棄市馬政論額有白毛謂

之的盧準上有旋毛及白毛者謂之的吻乘之皆凶

叱撥

唐詩紫陌亂嘶紅叱撥綠楊高掛畫鞦韆叱撥馬名群牧故事馬之毛色凡九十一種叱撥之名有八曰紅耳叱撥鴛鴦叱撥桃花叱撥丁香叱撥青叱撥騮叱撥紫騮叱撥驗叱撥青之別二純青護蘭白純白烏之別五純烏釣星歷面白脚護蘭赤之別五純赤釣星歷面白脚護蘭綠鬃騮之別十一白驄釣星歷面白脚綠鬃護蘭騮之別十一白驄釣星歷面白脚並烏青花黃任鐵護蘭赭白之別五純赭白釣星歷面白脚護蘭騮之別八棗金口燕子黃黑釣星歷面白脚護蘭騮之別六純騮綉膊歷面白脚護蘭騮之別三駱起雲銀鐘騮之別七赤騮銀鬃黃釣星歷面白脚護蘭又曰北方馬以叱撥及青白紫純色綠鬃騮為上青騮赤騮騮白赤色為在驗騮駱駝騮為下

八駿

八駿之名見於列子而他書所載互有不同穆天子傳天子命駕八駿之乘右服馮騮而左綠耳右驂赤龍而左白義次車之乘右服渠黃而左踰輪右盜驪而左山子

按詢駟漢書作華駟又曰華駟唐人名紫駟即今之棗駟也綠耳一作騄耳又作綠耳赤驥又作赤驥宋世名好頭赤漢師古注華駟言其色如華之赤綠耳耳綠色白榮榮即古犧字形似牛渠黃一作駟駟又名翠黃又名紫黃踰輪即蜀都賦所謂魚文山子又作岵子今之五明馬又名玉頂盜驪一曰溫驪荀子作織離今之鐵青色後代轉名駒駟又拾遺記載穆王八駿一名絕地足不踐土二名翻羽行越飛禽三名奔霄夜行萬里四越影逐日而行五踰輝光色炳耀六超光一形十影七騰霧乘雲而起八扶翼身有肉翅則似未見列子而妄為杜撰也史道碩畫本八駿中有名翠耳者又李元賓八駿圖序中有腰褭不知於傳中當誰駿楊子雲河東賦乘翠龍而超河兮陟西岳之峽嶠師古曰翠龍穆天子所乘馬也所謂翠龍翠耳或即綠耳乎。

翠黃吉量

初學記騰黃者神馬也其色黃一名乘黃亦曰飛黃或作吉黃或曰翠黃其狀如狐山海經有吉黃之乘壽千歲又文馬編身朱鬣目若黃金名曰吉量乘之壽千歲周書曰犬戎文馬赤鬣白身目若黃金名曰吉黃之乘成王獻之六韜曰文身朱鬣眼

若黃金頂若鷄尾名曰鷄斯之乘然則鷄斯吉量翠黃飛黃總一馬也郭璞山海圖贊金精朱鬣龍行駿蹄拾節鴻鶩塵不及起是謂吉量釋聖牖里周書白民乘黃似狐有兩角山海經曰乘之壽二千歲

五花馬

唐詩朝騎五花馬又五花馬千金裘杜詩蕭蕭千里馬個個五花文隋丹元子步天歌五個吐花王良星白樂天詩舞衣裁四葉馬鬣剪三花名畫要錄內廐有飛黃炤夜浮雲五花之乘唐六典外牧歲進良馬印以三花飛鳳之字韓幹畫御馬圖有三花馬剪鬣為辮也然杜詩又有五花散作雲滿身之句似又非馬鬣三花之說

人面鳥

大中十年三月舒州吳塘堰有眾鳥成巢潤一尺高一尺水禽山鳥無不馴狎中有鳥如人面綠毛紺爪喙者其聲曰甘人謂之甘蟲按山海經載鳥獸如狗而人面者猩猩山獠如鼠而人面者合窠如鳥頭而人面者索瑟如鳥而人面者鶯鷓蛇身而人面者窠窠鳥翼蛇尾馬身而人面者孰胡如鷄而人面者僕鳧豺身而人面者化蛇龜鬣而人面者狷褻虎齒而人面者饕餮魚身而人面者顯娛獸身而人面者螭

犬尾而人面者號九首虎身而人面者神陸相柳氏開明鳥身九首而人面者鳳人首而鶩身者在子人首而牛身者諸捷八首十尾而人面者天吳拾遺記八翼一足而人面者青鸛而不著甘虫之名六合之內語焉未詳蓋無所不有也又乾道六年余鄉西安縣官塘有物鷄首人身高丈餘晝見於野抱朴子千秋鳥人面壽如其名。

附

附記山海經言鷓鴣鳥如鳥人面四目而有耳見則大旱萬曆壬辰七月初豫章城中此鳥來集永寧寺屋上高二尺許燕雀從而群噪之其年五月晦至七月中酷暑異常。

一角羊

瑞應圖曰一角獸者瑞獸也六合同歸天下太平則至。魃魃一角之羊也一名解東。舊唐書開元二十一年富平縣產一角神羊肉角當頂白毛上捧識者以為獬豸龍魚河圖曰羊有一角食之殺人白澤圖曰羊有一角當頂上龍也殺之震死周成王時東夷進六角羊周厲王元年外國進三角羊又按天祿如鹿一角兩角者辟邪鼎

錄。天監二年。安豐得一角靈龜。武帝遂作一鼎。投得龜處。太平興國九年十月。嵐州獲一角獸。似鹿無斑。角端有肉。性馴善。群臣參驗曰麟也。古今注明。帝永平中。三角鹿見江陵。宋高僧傳。釋元康先居山野。見一鹿角分八歧。爾雅。麇大鹿。牛尾一角。漢武帝郊雍。得一角獸。謂之麟。此即麇也。驪如馬一角。不角者騏。元康八年。九真郡得一角獸。大如馬一角。角如鹿。此即驪也。羴如羊兩角。一角者騰。蜺蜉四角。蝸牛四角。臙疏如馬而一角。諸懷如牛而四角。驛如麇。羊而四角。辣辣如羊。一目一角。目在耳后。筱筱如馬。牛尾而四角。駢馬。牛尾而白身一角。獬豸一角。識罪而觸邪。角端一角。能言而惡殺。騎馬。牛尾。其角一。蟲雕豹狀。其角二。土螻如羊而四角。驛如鹿。四角而馬尾。獰如赤豹。五尾而一角。獬豸如牛。白身而四角。合浦有鹿。額帶斜滕一枝。四條直上。各丈永徽四年。來州有異獸。高丈餘。一角。鹿形。馬蹄。牛尾。五色有翅。爾雅注。兕一角青色。重千斤。交州記。兕一角。長三尺餘。形如馬鞭柄。宋書。三角獸。先王法度。修則至。六足獸。王者謀及衆。度則至。晉書。太康七年。四角獸見於河間。角兵象。四者四方也。后河間王遂連四方之兵為亂。

玄覽。土螻也。噉羊也。諸懷也。駢駢也。夫麟也。四角之獸也。長石也。薄麴也。四耳之

獸也麋也山馬也四目之獸也解多豸駁臙疏辣辣一角之獸也縱從六足獮三足鬻狴九首蔡茂兩頭一足之鳥有索芭馬有跋踵馬有畢方馬有商羊馬三足之鳥有瞿鴛馬有酸與馬三首之鳥有鶻鶻馬九首之鳥有鶻馬有鬼車馬

兩頭鹿

王會圖載怪鳥奇獸區陽以鼈封鼈封者若彘前後有首魏宏南中志雲南郡有神鹿一身兩頭主食毒草一名食毒鹿董道云邪希有鹿兩頭角且千道書有五頭鹿其角且千博物志雲南郡有神鹿名荼首其音為蔡茂一身兩頭而角象列令永昌有之盛弘之荊州記武陵郡西山有獸如鹿首後有頭常以一頭食一頭行山中時有見之者又山海經有神人首蛇身長如轅左右有首衣紫衣冠旃冠名曰延維人主得饗食之伯天下編羝山有神如人而二首名曰驕虫苦人有神人面而三首又三首國在鑿齒東其為人一身而三首淫水有神其狀如牛二首而馬尾并封之龜前後有首屏蓬之獸左右有首踈踢如獸三首而有角鶻鶻如鳥三首六尾而善笑可以禦凶鬻煙如狐九尾九首而虎爪是食人鶻鶻如鷄三首而六目六足三翼瞿如狀如鷄三面而一首鶻如鷗三身而一□酸與如蛇四翼六目而三足鶻如鷗四

足而兩首。謹如狸一目而三尾。獸如鳥有耳而三目。獐如羊九尾四耳。而目在背上。蝮如鵲十翼而鱗在羽端。蛇一身而兩口。螭一首而兩身。肥遺之蛇亦一首而兩身。開明南有六首蛟。又南方有比翼鳳。飛止啄飲不相分離。雄曰野君。雌曰觀諱。總名曰長離。言長相麗也。紂時集於長梧之上。人以為雙頭鳥。不祥及文武興。始悟曰。此並與之瑞也。

九頭鳥

揚用修曰。鬼車九頭鳥也。一曰車載板白澤圖謂之蒼鷖。帝鶴書謂之逆鶴。春夏之間稍遇陰晦。則飛鳴而過。嶺外尤多。愛入人家。燦人魂氣。或云產婦所化。小兒衣不可置星露下。毛落衣中。或血點其衣。當為祟。裴瑜注爾雅言鶴。鷹鵠是九頭鳥也。小說周公居東周。惡聞此鳥。命庭氏射之。劍其一首。餘猶九首。按夫子逆鶴歌曰。逆毛鶴兮。一身九尾兮。只言九尾。不言九頭。明崇儼厭勝書。一名九羅。其掌之者曰天血使者。陸長源辨疑志。九頭鳥又名渠逸鳥。隋五行志。齊孝昭即位之后。有鳥止於后園。其色赤。形似鴨。而有九頭。皆鳴。其年帝崩。疑即此鳥。癸辛雜志。淳熙間。李翁壽守長沙。捕得之。身圓如箕。十脰環簇。每脰有頭。其一獨無。而鮮血點滴。每頭各生兩翅。

當飛時十八翼霍霍競進不相為用至有爭拗折傷者類野狐而黑背續博物志郝氏夜祀佛鬼乘燭光而下廣丈餘九首互相低昂其家呼犬持杖逐之墜一羽長三尺許廣八九寸色類鷲鷲本名姑獲鳥能收人魂氣一云乳母鳥言產婦死口化作之能取人之子晝隱夜飛衣毛為飛鳥脫毛為婦人名天帝女一名夜行游女一名釣星一名隱飛紀聞鄜城尉范季輔未娶有美人崔氏宅在永平里常依之開元二十八年一日崔氏晨起下堂有物死在階下身如狗項有九頭皆如人面其狀不一有怒者喜者妍者醜者老者少者蠻者夷者皆大如拳尾甚長五色數日崔氏母殂又數日崔氏死又數日季輔亡豈九頭鳥之類與謝在杭曰梟鴉鴝鷓鴣期訓狐貓頭皆一物而異名種類繁多鬼車九首則惟楚黔有之世不恒見

無頭犬

惠帝永興元年丹陽內史朱達家犬生三子皆無頭後達為揚州刺史曹武所殺唐高祖義寧二年三月太原獻殺羊無頭而不死武后時酷吏丘神勳家狗生子皆無首當頂有孔如口晝夜鳴吠俄失所在德宗貞元三年潤州魚鱉蔽江而下皆無首唐高宗調露元年鳴鷓群飛入塞相繼蔽野至二年復還北飛至靈夏北悉墜地而

死視之皆無首。菽園雜記弘治癸丑五月。薊州大風雷。牛馬在野者多喪其首。民家一產五子三男皆無首。肢體蠢動。二女臍下各有口眼。啼則上下相應。數日皆死。吁可怪也。

北戶錄注石季龍時。利州谷錦縣山北溪中有鱉數十頭。登山暴田苗被單殘毀。至今鱉無頭也。

山海經赤獸如馬而無首。號戎宣王尸。

玉芝堂談薈卷三十三終

姑蔑徐應秋君義父輯

雙頭雞

異苑隆安初吳郡治下狗常夜吠聚嗥橋上家狗有限而吠聲甚眾或有夜覘之見一狗有兩三頭者皆向前吠未幾有孫恩之亂唐僖宗光啟元年十二月平陸□□山有雉二首向背而連頭者後數月羣雉數百來闕殺之漢太初二年大月氏貢雙頭雞四足一尾鳴則俱鳴會昌中代州羊生二首連頸兩尾唐神功元年安國獻兩首犬首多者上下一也大歷中牛生犢兩首呂光庶子襲呂紹自立稱元咸寧二年□生子一身三頭大觀元年都水使者趙震行河得兩首龜以為瑞蔡京信之曰此齊小白所謂象罔見之而霸者也鄭居中曰首豈有二京主其說意殆不測帝命棄龜金明池占書□□□豕八足政在私門馬二首四方兵起獸四角□□□獸兩足遠雅頌近倡優則雄雞□□□□奪民時則□牛五足馬三足者□賢不勝司馬也牛二首者東晉天下為二也牛一足三尾者王敦亂政之妖也

壠種羊

談

薈

凡卉植之類麗土而生含氣蠕動必繇孕育昔人有種米植羊之喻謂事理之所無也然動物固有種而生者北齊高昂從征行曰壘種千口羊泉連百壺酒朝朝圍山獵夜夜迎新婦浦江吳立夫有種羊皮書褥歌嘗道剗刀羊可食土城留種羊脛骨四圍築垣聞杵聲羊子還從脛骨生青草叢抽臍未斷馬蹄踏絕繞垣行楚石大師懷古詩有自言羊可種不信繭成絲之句人以問師師曰大漠迤西人能種羊取羊骨以初冬未日埋地中初春未日為吹笳咒語即有小羊從地中出凡埋骨一具可得子羊數隻雙槐歲杪西域人殺羊而食埋其脛骨舉杵堅築久之羔從脛骨而生臍未斷時馬傍踏振之即跳躍而起入饌肥腴其皮宜作書褥西使記壘種羊出西海以羊臍種土中溉以水聞雷而生臍系地中及長驚以木臍斷便能嚼草至秋可食臍內復有種異物志大秦國北有羊子生於土中秦人候其欲萌為垣繞之其臍連地不斷以刀截擊鼓驚之而絕因跳鳴食草今閩人種蝗田又種蠟房以殼為灰按時按之則翌歲蠟叢生吳人鬪蟋蟀大將軍死以金為棺將軍死以銀為指瘞於後園則來歲於瘞所得生者俗謂之種蟋蟀所謂四生胎化之外也博物志取鱉挫於棋池澤間經搗赤菟汁和令厚以茅包之六月投於池內即成鱉此等理殊不可

解

肉翅虎

廣東通志成化十八年正月十五夜崖州有物如虎飛集文廟比貓而大肉翅如蝙蝠地志廣西梧州府石袍山多竹木蔥翠如袍有肉翅虎下山食人訖即飛還筆記滇中寧山有虎能飛狀如蝙蝠王太原公出一獸皮大不能二尺如紫貂色左右皆有肉翼翼上有毛疑即飛虎耳瀛涯勝覽啞魯國厥產飛虎如貓大長尾灰色肉翅如蝙蝠飛亦不遠又兩頭虎會稽典錄葛仙翁憑白桐凡學道數年白日登仙凡化為白虎三脚兩頭往往有人見之兩足虎晉武帝太康六年南陽獲兩足虎又生角虎述異記漢中有虎生角道家云虎千歲則牙脫而角生又虎有角者名曰虓能行水中又黑虎晉永嘉中稱歸縣猛得狀如小虎而黑毛又山海經云幽都山多玄虎玄豹吳董奉為人治病愈者令種杏五株杏成林熟時買杏者將穀一石取杏一石取多者有黑虎逐之枝江縣有高峯山山有二池黑虎馴逸山側慧禪師所棲也又青豹洞冥記青豹出浪坂之山狀如虎色如翠殺而食之不愚冉家蠻謂虎為金波羅見炎徼紀聞方言虎陳魏宋楚之間或謂之李父江淮南楚之間謂之李耳虎食

物值耳乃止或謂之於虺音狗實自關東西或謂之伯都

蚤蚤距虛

屨鼠前而兔後趨則頓走則顛故常與蚤蚤距虛比為蚤蚤距虛嚙甘草即有難蚤
蚤距虛負走故號比肩獸然屨世所希見今雁門廣武縣夏屋山中有獸如兔而
大相負共行土人名之為屨鼠沈括使遠稱契丹北境慶州之地大漠中有跳兔一
躍數尺止則蹶然仆地捕得數頭持歸此即屨也蓋自能跳躍亦能與同類相負共
行特假於蚤蚤距虛耳蚤蚤與距虛蓋二獸子虛賦云蹇蚤蚤躡距虛張揖以為叩
叩青獸其狀如馬距虛似羸而小說苑孔子曰蚤蚤距虛見人將來必負屨以走二
獸者非性愛屨也為得甘草而饋故也然則負屨者或叩叩或距虛二物不相須也
山海經平丘有素獸如馬曰蚤蚤郭璞曰即蚤蚤距虛也一走百里尸子曰距虛不
擇地而走袁孝政注云蚤蚤前足長距虛後足長其獸出雁山見人即距虛負蚤蚤
而走周書王會獨鹿國距虛孤竹獻距虛釋者以為叩叩似鼠距虛負而走則以叩
叩為屨也郭璞曰距虛即叩叩變文互言耳韓詩外傳婁更食而更視不相得不能
飽抑亦屨與叩叩距虛之推也

天祿辟邪

大明會典三品碑蓋用天祿辟邪人多不知為何物天祿一作天鹿一作天麋考工記鳧氏鐘縣謂之旋注今時旋有蹲熊盤龍辟邪瑞應圖天麋者神靈之獸五色光耀洞明王者道備則至漢靈帝紀鑄黃鐘四天祿蝦蟇注天祿獸也今南陽縣有宗資碑旁有兩石獸鐫其膝一曰天祿一曰辟邪漢有天祿閣亦因其獸立名西域傳烏弋有桃拔注桃拔一名符拔似鹿長尾一角者為天鹿兩角者為辟邪無角者為浮都章帝紀月氏國獻扶拔注似麟無角和帝紀安息獻符拔十洲記聚窟洲有辟邪天祿杜陽雜編唐宣宗賜李輔國玉辟邪二各長一尺五寸

風母獸

抱朴子載風生獸似豹青色大如狸生於南海大林中張網取之積薪數車以燒之薪盡而此獸在灰中不燃其毛不焦刺斬不入打之如皮囊以鐵椎鍛之數千乃死死而張其口向風須臾便起走以石上菖蒲塞鼻即死取其腦以和菊花服之盡十斤得五百歲也南州異物記風母獸一名平猴狀如猴無毛赤目若行逢人便叩頭似如懼罪自乞人若撻打之愜然死地無復氣息小得風吹須臾能起嶺南異物志

風狸如猿猴而小。晝日踈伏不能動。夜則驚躍。湛疾好食蜘蛛毒。打死以口向風復活。破腦不復生矣。以酒浸愈風病。南人傳云。此獸嘗持小杖。遇物則指飛走。悉不能去。人有得之者。所指必有所獲。夷人施罟網。既得其獸。不復見杖。杖之數百。乃肯為人取。禽韓國獻飛骸獸。狀如鹿青色。以寒青之繩繫之。及死。帝惜之。挂於苑門。皮毛皆朽。惟骨猶青。與頭尾俱飛去。

猩猩血染緋

吳都賦。猩猩啼而就擒。萬萬笑而被格。注。猩猩嗜酒。酒醉則不能去。乃啼。則為人所擒也。萬萬獸食人。因以筒致臂而與之。則執而笑。唇揜其目。又本草。宋建武中。獠子進萬萬二頭。帝曰。吾聞萬萬能負千鈞。若既力如此。何以致之。彼土人丁麗進曰。萬萬見人喜笑。則上唇掩其目。人以釘釘著額上。任其奔馳。候其死而取之。髮極長。可為頭髮。血堪染緋。其毛一似獼猴而紅赤色。作人言鳥聲。善知生死。飲其血。令人見鬼。帝欣然命畜之。酉陽雜俎。以為狒狒。至唐裴炎。猩猩銘序云。與之酒。兼之以履。可以就擒。刺血問多少。隨所加而得。里人將烹。索其肥者。乃自推其肥。泣而遣之。華陽國志。永昌郡有猩猩。其血可染朱。若刺其血問之。爾與我。幾許。猩猩曰。二升。果足其

數若鞭捶問之隨所加可得一斗弗如此未肯遽輸談苑云宋太祖平嶺南求得猩猩如雄鴨而大取其血染色如渥丹通典杜佑云廣志猩猩似狼聲如兒啼不聞其言出交趾封溪縣足徵諸說之妄血可染米罽遍問胡商元無此事山海經猩猩知人名如豕而人面郭注狀如黃狗而人面頭如雄雞食之不□水經注封溪縣有猩猩猿形人面顏容端正音聲媚麗如婦人對語聞之無不酸楚其肉食之窮年可以辟穀諸書異同未知孰是

栗子猿

暖妹繇筆曹方湖為南豐知縣其地出小猿如小兒拳大人可藏袖中號栗子猿戒庵漫筆常州周約菴曾鎮延綏言邊上有猴大如拳人家畜者飲水漸大崇安志武夷山多獼猴其小者僅如拳微妙志交趾道士年九十九號漫叟因渡海壞船結庵於金僊水石上養一雞大如倒桂子日置枕中啼即夢覺又蓄一胡獠小如蝦蟇以線繫几案間道士飯已即登几食其餘又有龜如錢置金盒中時出戲衣褶間庚巳編弘治末南昌艾璞巡撫江南崇明申報本縣民家有雞生卵而方者異而碎之中有一獼猴繞大如棗異林載弘治甲子崇明縣顧家雞胎息一物猴頭餘悉如人狀

長四寸許。有尾蠕動而無聲。豈即庚巳編所記者耶。

北戶錄段公路往高涼次青山鎮。其山多獐。有黃緋者。緋者絕大毛彩。殷鮮真謂奇獸。

西天白象

北戶錄凡象白者。西天有之。又供御陀國有青象。什氏書象牙生花。必因雷聲。孔平仲雜說象耳中有油。出謂之山性發。往往奔逸傷人。牧者視象耳有油。則多以索縻之。象鼻端有爪。可拾針肉。有十二種。唯鼻是其本肉。耳穴薄如鼓皮。一刺而斃。胸前少橫骨。反之酒服。令人能浮水。出沒食其肉。令人體重。龍象六十歲。骨方足。梁翔法師云。象一名伽那。或名那先。北戶錄廣之。屬城循州雷州。皆產黑象牙。小而紅。土人捕之。爭食其鼻。云肥脆。偏堪為炙。酉陽雜俎咸亨二年。周澄國遣使上表言。訶迦國有白象。首垂四牙。身運五足。象之所在。其土必豐。以水洗象。飲之愈疾。請發兵迎取。

赤羊

續錄異記吳興俞亮。以永明八年補護軍府吏。于長眠處。聞有羊聲。疑為神怪。竊於戶視之。見其床下有一羊。可高二尺。毛色若丹光耀。滿室。酉陽雜俎僧玄奘見西域。

大雪山高嶺上有一村。養羊大如驢。郭義恭廣志。蜀賓國青羊色如翠。人食之。又乳羊出英州。其地出仙茅。羊食茅。舉體悉化為肪。木復有血肉。食之宜人。又龍羊出吐蕃及成口州。形似畜牛而大。其角纏繞重八九兩。黑質白文。可以為帶。勝宋紹興中。廣西海孺有海獸如馬。蹄鬣皆丹。夜入民家。民聚眾而殺之。明日海溢。民多溺死。近馬禍也。

玄鹿

鹿千年化為蒼。又五百年化為白。又五百年化為玄。晉祥徵說。白鹿仁獸也。色若霜雪。不與他鹿為羣。瑞應圖。鹿者純善之獸。王者孝則白鹿見。又曰。道術得則白鹿見。王者明惠及下。則白鹿見。宋志。黃帝時。南夷乘白鹿來獻。述異記。又西王母乘白鹿獻環。上於芙蓉園。得白鹿。山人王旻曰。漢時鹿也。乃於角際得金牌。曰宜春苑中白鹿。上目之曰仙客。餘干縣有白鹿。土人傳千歲矣。晉成帝時。遣人捕得。有銅牌在角後。云寶鼎二年。臨江所獻。述異記。古今注。孝和帝永元中。豫章餘干縣得白鹿。高丈九寸。會昌解頤。上幸溫泉。見白鹿升天。改會昌為昭應縣。又云。成帝末年。宮中雨一蒼鹿。殺而食之。其味甚美。又漢成帝時。山中人得玄鹿。烹而視之。骨皆黑色。仙者

說玄鹿為脯食之壽三千歲。舊說鹿者仙獸。至六十年必懷瓊於角下。角有斑痕紫
色如點行。或有涎出於口。不得急走也。郵陽樂安有人姓彭。以獵射為業。每入山與
子俱行。後忽蹙然而倒。化成白鹿。廣州先賢傳。丁茂至孝。母終。負土治塚。列植松柏。
白鹿遊乎左右。唐頌遭喪六年。廬於墓次。白鹿捨食塚邊。

鸚鵡誦心經

鸚鵡能習人言。其巧慧非凡鳥可及。偶記其奇者。幽怪錄。隋開皇中。柳歸舜自巴陵
泛舟。遇風吹至一處。有鸚鵡數十。相呼姓氏。有名武遊郎。阿仙郎。阿蘇兒者。有名自
在先生。武仙郎。踏蓮露者。有名鳳皇臺。戴蟬兒。多花子者。明皇雜錄。開元中。嶺南獻
白鸚鵡。養之宮中。歲久馴擾。洞曉言詞。上及貴妃。皆呼雪衣女。授以詞。臣詩篇數遍。
便可成誦。上每與貴妃及諸王博戲。稍不勝。呼雪衣娘。必飛入局中。以亂其行。忽
一日飛上鏡臺。語曰。雪衣娘。昨夜夢為鶯鳥所搏。上使授以多心經。以禳之。後獻殿
上。忽有鷹搏之。而斃。遂瘞於宮中。號鸚鵡塚。酉陽雜俎。玄宗時。有五色鸚鵡。能言。上
令左右試牽帝衣。鳥輒瞑目。叱號為時樂鳥。開元遺事。長安豪民楊崇義妻劉氏。
與李翁私通。謀害之。埋枯井中。官吏詣其家。簡較。鸚鵡忽然聲屈。遂服罪。歿事聞。取

鸚鵡付后宮。封為綠衣使者。唐武后畜一鸚鵡。名雪衣。能通心經。后貯以金絲籠。一日戲曰。能作偈求解脫。當放出籠。雪衣若喜躍狀。須臾朗吟曰。憔悴秋翎似禿衿。別來隴樹歲時深。開籠若放雪衣女。常念南無觀世音。后喜。即為啟籠。居數日。立化於玉球紐上。后悲慟。以紫檀作棺。塋於後苑。異苑。張華有白鸚鵡。華每出行。還輒說僮僕善惡。後寂然無言。華問其故。鳥曰。見藏甕中。何緣得知。公後在外。令喚鸚鵡。曰。昨夜夢惡。不宜出戶。公猶強之。至庭為鸚所搏。教其咏鸚脚。獲免。建炎實錄。宋徽宗時。隴西歲貢鸚鵡。置安妃閣。教以詩文。一日問之曰。思鄉否。鸚鵡曰。思鄉。遂送還隴山。後數年。有使臣郭浩。以秦鳳提典刑獄。過隴山。鸚鵡問曰。相公何處來。使臣曰。自杭州來。鸚鵡曰。上皇安否。浩曰。上皇崩矣。鸚鵡皆悲鳴不已。浩賦詩曰。隴口山深草樹荒。行人到此斷肝腸。耳邊不忍聽鸚鵡。猶在枝頭說上皇。春渚紀聞。韓奉議為通州守。家人養鸚哥。忽語家人曰。鸚哥數日來甚思歸鄉里。若得放鸚哥。往即生死無忘也。家人憐之。曰。我即放你。此去隴州數千里外。你何能歸得。曰。鸚哥亦自記得來時驛程道路。家人即啟籠。祝其好去。鸚哥曰。娘子好自將息。莫憶鸚哥也。振翼向西而去。至數月。舊任有吏何忠者。自隴州差至京。出城聞木杪呼急足者。忠愕然。謂是鬼。

物仰首視之乃一鸚鵡曰我便是韓通判家鸚哥你到京為我傳語通判宅眷鸚哥已歸到鄉里深謝見放也忠至都具述所見舉家驚異邵氏聞見錄闕中有商人得鸚鵡於隴山能人言商愛之偶以事下有司獄旬日歸輒嘆恨不已鸚鵡曰郎在獄數日已不堪鸚鵡遭籠閉累年奈何商感而放之後人往隴山鸚鵡必於林中問郎無恙托寄聲也舊唐書貞觀五年林邑獻五色鸚鵡能言苦寒思歸南史天監中交州獻能歌鸚鵡袁氏楓窻小牖高宗在建康有大赤鸚鵡自江北來集行在承塵上口呼萬歲宦者以手承之鼓翅而下有小金牌有宣和二字因以索架置之比上膳行在草草無樂鸚鵡大呼上尚樂起方響久之曰卜娘子不敬萬歲蓋道君時掌樂宮人以方響引樂者故猶以舊格相呼高宗為罷膳泣下侯鯖錄蔡持正謫新州侍兒從焉善琵琶嘗養一鸚鵡甚慧丞相呼琵琶即扣一響板鸚鵡傳呼之琵琶逝後誤扣響板鸚鵡猶傳言丞相大慟又河間王琛有妓朝雲善歌又有綠鸚鵡善語朝雲每歌鸚鵡和之聲若出一號為綠朝雲嶺表錄異秦吉了大約似鸚鵡嘴脚皆紅兩眼後夾腦有黃肉冠善效人言語音雄大分明於鸚鵡以熟雞子和飯與棗飼之朝野僉載天后時左衛兵曹劉景陽使嶺南得吉了二隻能解人語至都進之留其

唯者雄煩怨不食。則天問曰：何乃無聊鳥？曰：某配為使者所得，頗思之。乃呼景陽曰：何故藏一鳥不進北戶？錄云：普寧有濂州民，獲赤白吉了各一頭，獻於刺史。赤者尋卒，白者久而能言。凡笑語悉皆效人。聞見錄：盧南有畜秦吉了者，有番夷欲以三十萬買之。其人告以貧將賣爾。秦吉了曰：我漢禽，不願入夷中。遂不食而死。淮南畢萬術，雉鴝一名寒臯，斷舌可使言語。詩名：鴝鴞一名鴝，鴝鴞端午剪舌以椒末食之，能言。今云布穀。江東呼蘇喏，一名桑鳩，一名戴勝。幽明錄：晉司空桓豁在荆，有參軍剪五月五日雉鴝舌，教令學語，遂無所不名。司空大會吏佐，令悉效四座語，無不絕。似有生鼻，鼻語難學。因內頭甕中，以效焉。主典盜物，鴝鴞屢密白參軍，盜者怨之，以熱湯灌殺。參軍悲傷，抵此人五歲刑。耕餘博覽，宋天台黃光寺僧畜一鴝鴞，嘗隨僧念佛。不待僧教，亦自念得。一日立死籠中，僧葬之。有紫色蓮花穿土而出，大智禪師為之頌曰：籠中立死，淨閑事化紫蓮花也。大奇崑山清華寺養一鴝鴞，甚馴，常隨念阿彌陀佛。一日低頭斂翼而終，莖之後山不數日，其莖處忽生青蓮花一朵，芬馥異常。開視之，其蓮花從口中出。郡守為之設齋題偈云：飛禽常證無生忍，我輩為人豈不如。韋臯鸚鵡舍利塔記：貞元中有獻鸚鵡者，河東裴氏志樂金仙之道，以此鳥名載梵

經常示以六齋之禁。比及辰後，非時之食，終夕不視。或教以持佛名號，則叩首奮翼。若善承聽，或俾之念佛，則默然不答。或謂之不念，則唱言阿彌陀佛。屢試不爽。貞元十九年七月，忽惛然不擇，已日而甚。馴養者知將盡，乃鳴磬曰：將西歸乎？為爾擊磬。爾其存念。每一擊磬，一稱阿彌陀佛。洎十擊磬，而十念成。斂翼委足，揜然而絕。命火以闍黎法焚之，得舍利十餘粒。

赤鸚鵡

于穀山筆麈：鸚鵡有三種，一青一白一五色。交州以南諸國有之。萬歷丙子一日講畢，上遣中使持赤黑鸚鵡各一示閣臣講官。蓋廣中所獻也。赤者毛色嬌麗，黑者有兩耳。桂海虞衡志：白鸚鵡大如小鵝，亦能言。羽毛玉雪，以手撫之，有粉粘著指掌。如蛺蝶翅。五雜俎：閩中稅監高竈常求異物於海舶，以進御。有黃鸚鵡，其頂上有冠如芙蓉。太平清話：周季良家白鸚鵡，其頂一撮有淡黃色，鳴則頂毛放散如蓮花。又成化間，海南曾進紅鸚鵡。宋建隆二年，隴西貢黃鸚鵡。唐書：陀洹國在陸和羅西北。大唐貞觀中，遣使獻鸚鵡，羽毛皓素，頭上紅毛數十莖，與翅齊。雲南鎮守太監曾遣人往百夷，求得黃鸚鵡。余在粵中閩中，兩見紅鸚鵡，頭有黑毛，頭上及腹下紅毛，色如

榴花映日鮮麗兩翅黃綠相錯亦奇物也頗能作百鳥聲以砂和米飯飼之

伯勞

月令鵙始鳴鵙即博勞也左傳謂之伯趙樂府謂之伯勞詩七月鳴鵙注伯勞也今不識為何鳥按禽經注云伯勞飛不能翱翔直刺而已形似鸚鵡但鸚鵡喙黃伯勞喙黑以此別之此鳥好隻飛未嘗雙性亦能擊搏鷹集於林則盤旋鳴聒俟鷹飛輒擊之俗呼為鳳皇皂隸言百鳥畏之也蜀中名鴛鴦滇中名鐵鸚哥又名榨油郎五更輒鳴不止至曙乃息孟子鴉舌之人楚辭題鴉先鳴注皆同伯勞賊害之鳥呂氏春秋注博勞夏日磔蛇於樹然後食王充論衡伯勞食蛇物理論鴛飛則蟻沈鵙鳴則蛇結信惡鳥以夏至來冬至去似鸚鵡五更輒鳴江南謂之鳥翼好掠人冠中眾鳥亦畏之性好獨易緯云鸛必匹飛鵙必單棲故樂府以東飛為興易通卦驗作搏勞爾雅作博勞楊雄賦鸚鵡蘇林音珍絹師古音弟桂字書云鸚鵡伯勞也蜀童謠有陽雀叫鸚鵡映之語雄蜀人用方言未可知也

皂鶴

墨客揮犀平涼西有崆峒山乃廣成修道之所山之絕壁有石穴謂之皂鶴洞鶴頂

如丹。羽毛皆黑。日浴之。金色燦然。述異記。鶴生百年而紅。五百年而黃。又五百年而蒼。又五百年為白。壽三千歲矣。相鶴經。鶴陽鳥也。而遊於陰。因金氣。乘火精。以自養。鶴之上相。瘳頭。朱頂。露眼。黑睛。高鼻。短喙。駐頰。龍耳。長頸。竦身。鸞口。鳳翼。雀老龜背。鰲腹。軒前垂後。高頸。籠節。洪髀。纖指。此相之備者也。

青鳥無傳書事

今人訛傳漢宮七夕青鳥傳書。按青鳥故事甚多。其見於山海經者有九。一曰三危之山。三青鳥居之。一曰龜山南有三青鳥。一曰女祭女戚在奇肱一臂之北。兩水間。青鳥所集。一曰王母之山。有沃之國。是謂沃之野。有三青鳥。一名大鷲。一名小鷲。一名青鳥。一曰玄丹之山。爰有青鳥。一曰附禺之山。爰有青鳥。一曰平丘在三桑東。爰有遺玉青鳥。一曰中容之國。東北海外有三青鳥。一曰互令國有青鳥。身黃赤足六首。名曰鷦鳥。其見於竹書紀年者。則曰十七年。穆王西征崑崙丘。見西王母來朝。賓人於朝宮。沈約附注云。王西征於青鳥。王褒雲陽記則云。鈞弋夫人卒。武帝思之。起通靈臺。有一青鳥集臺上。葛洪神仙傳則云。東陵聖母。從獄窗中飛去。民立廟祠之。嘗有一青鳥在祭所。人有失物者。乞問所在。青鳥即集。盜物人之房上。十二真君傳。

吳猛有道術。狂風暴起。猛書符擲屋上。有青鳥。叩符而去。須臾風止。墉城集仙錄。緜仙姑修道。居衡山數年。後有一青鳥。形如鳩。紅頭長尾。飛來所居。曰我南岳夫人使也。以姑修道精苦。命我為伴。每有人游山。青鳥先言其姓氏。博物志。貞觀中。白幽求從新羅王子過海。風飄至一處。有騎龍虎人。皆從海面而行。須臾沒於遠碧中。忽見鸞鶴。青鳥飛引於路。左傳。青鳥氏。司分者也。杜預云。青鳥。鸞鶴也。立春鳴。立夏止。此一青鳥也。注記不同。然未嘗言傳書事。

荒雞淫魚

晉書。祖逖與劉琨俱為司州主簿。共被同寢。中夜聞荒雞鳴。逖起曰。此非惡聲也。元史。史天倪。金大安末。舉進士不第。乃嘆曰。大丈夫立身。獨可以文乎。設使吾遇荒雞夜鳴。擁百萬之眾。功名可唾手取也。草木子。南陽廉訪僉事保保。巡按至彼。忽初更聞雞啼。曰。此荒雞也。不久。此地當為丘墟。天下其將亂乎。遂棄官而隱。後南陽果陷。蓋初更啼。即為荒雞。余謂凡雞夜鳴。不時皆謂之荒。祖逖之聞。在於中夜。不在初更。乃有茲稱。孫嚴示兒篇詩。相鼠有體。人而無禮。陸璣云。河東有大鼠。能人立。文前兩脚於頭上。跳舞善鳴。相地名。按地志。相州與河東相隣。則知相州有此鼠。詩人蓋

取譬焉。若如毛氏以相為視，則物之有體與皮者皆可以喻禮。何必以鼠哉？淮南子：狐巴鼓瑟而淫，魚出聽淫，魚頭與身相半，其長丈餘，鼻正白，身正黑，口在額下，狀似兩有髻而無鱗，出於江中，其性喜音樂，聞樂作，則出頭水上聽之。史沐猴而冠，沐猴猴名，出罽賓國，今人言荒雜淫魚，沐猴相鼠，未必能審其實也。

白鼠獻金錢

西域有鼠，王國鼠大如狗，著金環中者如兔，小者如常鼠。宋高僧傳：釋善無畏至烏菴國，有白鼠，遠日獻金錢，神異經：北方層冰萬里，厚百丈，有磤鼠，在水土中，其形如鼠，食草木肉，重千斤，其毛八尺，可以為褥，卧之却寒，其皮可以蒙鼓，聲聞千里，其尾所在鼠聚，又鼯鼠，首尾如鼠，色青黑，短足，有指形，大重千餘斤，出零陵郡，界民有災，鼠輒入其田中，振落毛衣，皆成小鼠，其皮堪飾為帶，三毛出於一孔，與常皮異。義鼠形如鼠，短尾，每行遞相尾，三五為羣，驚之則散，俗云見之者常有吉兆。唐鼠形如鼠，青黑色，腹邊有物如腸，亦名易腸鼠。昔仙人唐昉，拔宅昇天，雞犬皆去，惟鼠墜下，不死而腸出，三易之。漢書：社饑不灌，屋鼠不薰。春秋：饑鼠食牛角。鼯鼠之極小者，或名甘鼠，又名甘口鼠，食物當時不覺痛。陸璣云：河東有大鼠，能人立，交前兩足於頭。

上跳舞善鳴食人禾苗逐則走木空中或謂之雀鼠唐書蘭州土貢麩金麩香鼯鼯鼠爾雅鼯鼠地中行者鼯鼠以頰裏藏食者鼯鼠鼯鼠以貂大尾咬鼠江東人呼鼯鼯鼠小鼯鼯也亦名鼯鼯鼯鼠鼯鼠壯如鼯鼯鼠形大於鼠頭似兔尾有毛鼯鼠鼯鼠豹文鼯鼠文彩如豹漢武時見而終軍知之鼯鼠今江東山中有鼯鼠狀如鼠而大在樹木上又盧藏用弟若虛多才博學時辛怡諫為職方有獲異鼠者鼠首虎文大如拳時謂之鼯鼠若虛曰此許慎所謂鼯鼠貊文而形小一坐皆驚又搜神記郭璞過江宣城太守殷祐引為參軍有物大如水牛灰色卑脚脚類象胸前尾上皆白大力而遲鈍郭璞曰此名驢鼠耶亭驢山君使也

鼯陽鼠鼯

乃鼯

鼯鼯鼯鼯鼯

鼯白鼯鼯

如鼯鼠鼯鼠鼯鼠鼯即貂也

毗狸

澠水燕談契丹產毗狸形類大鼠而足短其國以為殊味穴地取之以供國王之膳自公相以下皆不得嘗常以羊乳飼之頃北使携至京烹以進御本朝使其國者亦得食之浮休使遠錄有命邦者以其肉一臠置之食鼎則立糜爛陸氏舊聞狀類大

鼠極肥膾甚畏日為隙光所射輒死狸形如鼠而大穴居食果穀嗜肉狄人以為珍膳味如狍子而肥齊東野語云數說微有異同要之即一物亦竹鼯狸之類近世乃不聞有此北客亦多不知余意即今西北邊所謂塔刺不花者也一名大黃鼠飲膳正要塔刺不花一名土撥鼠味甘無毒煮食之宜人生山後草澤中北人掘取以食雖肥煮則無油湯無味畫墁錄南使至北虜帳前見畢賜羊羝十枚毗黎邦十頭毗黎邦大鼠也虜中上供臣下不敢畜

弱水白兔

北極有瀆陽之山有兔如鼠能飛毛色光如漆以腦和丹食之則不死寰宇記深水中山古老相傳有白兔世稱為筆最精外國圖西王母國前弱水有玉山白兔暖姝錄筆弘治十七年九月十日夏港見江西船上帶白兔入城毛潔白如綿眼深赤按兔壽千歲五百歲其色白其實未必然也余戊寅分守漳郡海舶多携白兔歸者毛白如雪眼赤如丹或有遺余者畜之銜齋雌雄交感即孕匝月而產四子或三子有至七子者後每月輒如之知前人所云兔望月而孕與子自口吐之說妄但受孕胎藏於項下其頸倍癰腫為異耳清異錄有僧誦華嚴經忽一紫兔自至馴服不去隨

僧起聽經坐禪。惟食菊飲清泉。僧呼為菊道人。

牝雞為雄

禽蟲述曰。牝雞為雄而不鳴。不將無距者。漢元妃將立為后。貴始萌而尊未成也。牝雞為雄而冠距鳴將者。后父王禁為侯成帝為太子而尊已成也。雄雞有角者。明視作威。自王鳳始也。牝雞為雄不冠不將者。晉三后並以人臣終之象也。牝雞為雄八十日而冠萎者。桓玄篡晉八十日而敗也。今按漢宣黃龍元年。未央殿輪軫中雌雞化為雄。毛衣變化而不鳴。不將無距。元帝初元中。丞相府史家雌雞伏子。漸化為雄。冠距鳴將。永初中。有獻雄雞生角者。劉向以為黃龍中雌雞化雄。應在石顯。班固謂石顯何足以當之。孝元王皇后黃龍元年立為太子妃。其占在正宮。故未央殿中有雌雞化雄之異。不鳴不將無距者。一事未成也。至元帝初元中。立為皇后子。為皇太子。尊已成矣。鳴將而距。是其應也。至永初二年。成帝立尊王皇后為太后。以后弟王子鳳為大將軍。王鳳專權擅勢。自鳳始。是生角之應。京房所謂雞禍也。漢靈帝光和元年。南宮侍中寺雌雞欲化雄。一身毛皆似雄。但頭冠尚未變。是時張角作亂。黃巾破壞四方。魏明景初二年。廷尉府中雌雞化為雄。不鳴不將。是時宣帝平遼東。百姓始

有與能之意。晉元帝太興中。王敦鎮武昌。有雌雞化為雄。其後王敦再攻京師。漢孝元帝永光乙卯。雞生角。安帝隆安元年八月。琅邪王道子家。青雌雞化為赤雄雞。不鳴。不將桓玄將篡。不能成之象。元興二年。衡陽有雌雞化為雄。八十日而冠。姜天戒。若母衡陽。桓玄楚國之邦略也。篡位八十日而敗。此其應也。唐垂拱三年。冀州雌雞化為雄。永昌元年。明州松州各有雌雞化為雄。大中八年九月。考城縣民家。雌雞化為雌。伏子而鳴。雄化為雌。王室將卑之象。至熈。焚其巢。而漢成純雀鬪。斷頭而靈帝。沮秃鷲集。而魏國喪。鷓鴣鳴。而侯景敗。九頭之鳥如鴨。止而蕭瑄廢。萬春聚。而周師入。鷓鴣巢。帆檣而孫和死。雉集相風。而海西廢。鵲巢砲機。而堯君素敗。烏鵲巢帳。而楊廣弒。桓玄封楚。而大使其拜席。侯景受錫。而烏集其冊。書鷓鴣聲。與鷓聲相和。宣和有青城之難。鷓鴣聲與戰聲相亂。陝府有失守之虞。豕冠進賢。而劉聰死。禽止朝冠。而江伯彥敗。夫冠幘絳衣。登於臺。而公孫淵以亡。鵬止坐隅。而賈誼夭。死牛足出背。上應梁武之亡。羊鬪墮雲中。啟楊勇之弒。虫誠聲曰。韓尸而韓謚。夷族一足。烏畫地而叔實墮。祚魚集武庫。魏兵棄甲於東關。反舌入殿。而江充亂起。野狐升座。而宋徽播。遷至於鳩。雁不來。遠人叛。蚯蚓不出。髮奪后鳥。如畜形。有大兵。烏變為鵲。民從賊。貪。

虐取民國多蠹廢正作淫國多麋國有兵革犬豕交方伯分威牡馬生子虎鬪死而守臣災野獸入第而國君廢鼠夜去而國有兵小雀生鷹賊臣在國妖孽之興禍患立見史傳中歷歷可考也

江北鼠災

崇禎七年四月漕運總督奏去歲十一月潁州屬臨淮壽州虹縣五河蒙城泗州霍丘盱眙天長靈璧潁上太和宿州等處忽有異鳥叢集羽毛土色雀嘴鷹翅兔足鼠爪來自西北千百成羣不棲於樹集於南畝飛則蔽天落則滿境將民間佈種二麥連根盡食亦從來未見之災也按史唐貞觀十三年建州鼠害稼二十一年渝州鼠害稼景龍元年基州鼠害稼開元二年韶州鼠害稼千萬成羣開成四年鼠害稼宋建隆二年鼠食苗元年夏相金均房商五州鼠食苗太平興國七年十一月岳州鼠害稼乾道九年隆興州鼠害稼千萬為羣又晉武帝太康四年會稽彭蠡及蟹皆化為鼠甚眾復大食稻為災始成有毛肉而無骨其行不能過田塍高宗永淳中嵐勝州免害稼千萬為羣食苗盡免亦不復見紹興十六年清遠翁源漠陽三縣鼠食稼千萬為羣時廣東久旱凡鱗羽皆化為鼠後獲鼠於田者腹猶蛇文漁者夜設網旦

視數百鱗皆為鼠。孝宗淳熙五年八月，江陵府郭外，羣鼠塞路，其色黑白青黃各異，為車馬踐死者不可勝計。逾三月，乃息。南陳後主禎，明二年夏四月戊申，有羣鼠無數，自蔡州岸入石頭。至於清塘兩岸，數日自死，隨流入江。高宗洪道初，梁州倉有大鼠長三尺餘，為猫所囓，數百鼠反囓猫，少選聚萬餘。兗州遣人搏擊殺之。北魏孝武永熙三年二月，羣鼠渡河。唐高祖武德元年秋，李密王世充隔洛水相持，密營中一夕鼠渡水盡去，占曰：鼠無故皆去，邑有兵。

羣卵呼觀世音

宣室志：嘗塗民劉成，鬻魚蟹。天暮泊舟，四無人跡。忽聞舫中有連呼阿彌陀佛者，見一大魚自舫中振鬣搖首而呼，其聲甚厲。劉毛髮盡豎，匿身蘆中。伺之俄而萬魚俱跳躍呼佛，聲動地。大懼，悉投魚於江中。又文宗以浮屠事無補大化，欲盡去之。會尚食厨烹雞卵，方燃火，忽聞鼎中有聲極微迫而聽之，乃羣卵呼觀世音菩薩也。宋處宗買一長鳴雞，愛養甚，至嘗着窗前。後雞作人語，與處宗談，極有致。處宗因此功業大進。酉陽雜俎：天寶中，雅禪師於東都龍門建蘭若，庭中多古桐，一年桐始華，有異蜂聲如人吟詠，諦視之，具體人也。師網獲其人，寘紗籠中，意嗜桐花，採華致其旁，經

月忽有其類數百大小相稱積於籠外語聲甚細亦不懼人師隱於探聽之有曰孔昇君為君筮不祥君頗記無有曰君已除死籍又何懼焉有曰叱叱予與青桐君奕勝琅玕紙十幅君出可為料理師舉籠放之次日有人長三尺狀如天女曰我三清使者上仙伯致謝大興二年冬大雪南州人見二白鶴語於橋下曰今茲寒不減堯崩年也於是飛去揚州蘇隱夜卧聞被下有數人念阿房宮賦聲繁而小急開被視之無他物惟得蝨十餘其大如豆殺之即止玉炤新志嘉祐末有人携一巨魚入京師能人言號曰海多人爭觀之常召至禁中賞賚盈積後至李氏園躍入池中不可復獲又晉時江夏張騁所乘牛忽人言唐光啟元年河東有牛人言宋乾道初虎丘之鶴人言荆南之虎人言盧傳素家馬人言夢澤之鹿人言南唐苑中鹿亦人言朱休之宋楚客余三乙張林家犬皆能人言于闐野豕人言渭南主人猪亦人言嚴遵美家猫犬相對人言鄱陽龔紀猫人立而言羅含之雞能人言西周之犬能人語鄭宏之犬黃馭能人語華表之鶴人言王周南家鼠能人言晉安鼠能詠詩駝坊使臣與橐駝相對偶語路岩家馬忽作人言紹興時亳州魏翁之雞能人言至今有人雞墓嘉靖間楓橋瘍醫龔家大龜作人言萬歷初史文學傭二人家母雞作

人言若王清之枯木汪朝議之楮菌亦作人言。晉武帝幽州塞北牛首作人言。又異之異矣。至於竹雞鳴曰泥滑滑。思歸鳴曰不如歸。去鳩拙於安巢。嘗呼曰無屋住。鳩轉石出蛇呼曰同力。鷓鴣其雄之鳴行不得哥哥。其雌之鳴鉤翰格磔。號寒虫春鳴曰鳳皇。不如我冬鳴曰得過且過。力作鳥鳴於蠶候。歸去樂鳥鳴於暮春。割麥度荒鳥鳴於麥秋。有言婆餅焦。兒不食者。有言提葫蘆。沽美酒者。有言姑惡鳥。有言簪我者。脫却布袴者。則人習之不為怪也。

蛇龍鬪

武帝泰始四年七月。趙有蛇從郭外入與邑中蛇鬪。孝文廟下邑中蛇死。二年秋。有衛太子事事。自趙人江充起。大同元年。有大蛇鬪。曲阿縣建陵隧中。其一被傷走。後齊武二十七年。并州招遠樓下有赤蛇與黑蛇鬪。赤蛇死。赤齊尚色黑。周尚色鬪而死。滅亡之象也。至德二載。有蛇鬪於南陽門之外。一蛇死。一蛇上城。唐玄宗開元四年六月。柳州馬嶺山下。有白蛇與黑蛇鬪。白蛇長六七丈。吞黑蛇至腹。口眼血流。黑蛇穿白蛇腹出而死。開成元年。宮中有眾蛇相與鬪。魯莊公時。有內蛇與外蛇鬪。鄭南門內蛇死。劉向以為近蛇孽也。京房易傳曰。立嗣子疑。厥妖蛇居國門。鬪昭公十

九年龍鬪於鄭時門之外洧湖劉向以為近龍孽也齊東昏侯永元三年七月丙辰龍鬪於建康激水五里梁武帝天監二年北景州潭中有龍鬪瀆霧數里普通五年六月龍鬪於曲阿王陂所經之處樹木折開數十丈太清元年黎州水中又有龍鬪波浪涌起雲霧四合白龍南走黑龍逐之侯景之應也成化三年九月杭州江水龍鬪乾道五年武寧縣西北龍鬪京房易傳眾心不安厥妖龍鬪其國中天寶十四載七月有二龍鬪於南陽城西太和二年六月丁丑西北有龍鬪大象元年有黑龍與赤龍鬪於汴水側黑龍死次年宣帝崩趙帝立禪於隋又黃龍見譙單颺知其國後當有王者興斯魏文之禪也二龍升自南城故老知復有建康之亂則梁陳之變也黃山有死龍莽誅而漢興野王山有死龍獻廢而魏代黃龍死於枯桑武成之亡也黑龍負舟宋文之興也先天二年六月京師朝堂磚下有長蛇出長丈餘有大蝦蟆如盤而目赤如火相鬪俄而蛇入於樹蝦蟆入於草蛇蝦皆陰類朝堂出非其所也漢武元鼎五年秋蛙與蝦蟆羣鬪是歲四將軍十萬征南越昭帝元鳳元年烏與鵲鬪燕王宮中池上烏墜池烏近黑祥也時燕王旦為亂伏辜而死京房易傳曰專征劫殺厥妖烏鵲鬪景帝十三年十一月有白頸烏與異烏羣鬪楚國呂縣白頸不勝

墮泗水中死者數千時楚王戊與吳王謀反烏犀鬪者師戰之象白頸者小小者敗也京房易傳曰逆親厥妖白烏鬪於國唐睿宗景雲中有蛇鼠鬪於右咸衛營東街槐樹蛇為鼠所傷此兵象也後周大象元年六月陽武有鯉魚乘空而鬪太和三年成都門外有龍與牛鬪會昌元年潞州長子有白頸烏與鵲鬪光啟三年慈州城鴛與鷓鴣相殺

金沙龍盤魚

北戶錄全義之西南有山曰盤龍山有乳洞有金沙龍盤魚皆四足修尾丹腹狀若守宮游泳水濱人不敢犯按御覽云龍蟠山有石洞洞中出水水有四足魚皆如龍形人殺之即風雨也廣輿記在桂林興安魚四足有角俗名鮑魚唐韻鰓魚四足爾雅鮑似鮑四足按鮑魚長尾能上樹天早輒含水上山以草葉覆身張口聲似小兒鳥來飲水輒吸食之先縛於樹鞭之上身出白汗方可食但未言其可致風雨耳磁州孩兒魚四足尾長啼聲如嬰兒膏燃不滅建同魚亦四足無鱗鼻如象吸水上噴高五六丈閩書永福方壺巖下有流泉泉中有魚紅色腹下有四足又魚之異者澧水之魚名朱鱉六足有珠潘州記云鰓魚長二丈大數圍初生子子小隨母覓食驚則還入母腹吳錄云鰓魚子朝出索食暮入母腹南越志

云暮從臍入。旦從口出。又歷澗潭。有五色魚。丹水出丹魚。先夏至十日伺之。魚夜浮水上。則赤光上照如火。割血以塗足下。可步履水上。楚故略。天門靈泉在岳州府山頂。泉中魚生綠毛。又朔法師云。鯿魚一首十身。博物志。金魚腦中有麩金。出功婆塞江。陽翔縣異塘有魚。綠鱗而鬣。又吳王食鱸。有餘棄江中為魚。今名吳王鱸。餘者長數寸。又魏王四時食制。曰望魚。側如刀。可以割草。出豫章。白髮魚。戴髮如婦人。魚肥無鱗。出滇池。一云海人魚。東海有之。長六七尺。美如婦人。眉目口鼻手爪無不具足。肉白如玉無鱗。五色輕軟髮如馬尾。陰形與丈夫婦女無異。郭延生述征記。城陽縣南慶都墓廟前一池。魚頭間有印文。謂之印頰魚。非告祠者不得捕。又臨海異物志。鰕魚如指長七八寸。但有脊骨。曝為燭。極有光明。又比目魚。一名鱈。一名鱈。狀似牛脾。細鱗紫黑色。沈懷遠南越志。謂之板魚。亦曰左介。介亦作鮓。吳都賦云。雙則比目。片則王餘。異物志。南方鏡魚。其圓如鏡。異苑。鰓魚。凡諸魚欲產。鰓魚輒以頭衝其腹。世謂眾魚之生。□又臨海水土異物志。鹿魚。頭上有兩鹿角。又云。□魚腹背有刺。如三角菱。又神異經。橫公魚。長七八尺。狀如鯉魚。而赤晝在水中。夜化為人。刺之不入。以烏梅二枚煮之。則死。食之無病。霏雪錄。□□□□□□□□□□首無鱗有骨。若插箭然。味似河豚。□□

□魚東海有牛魚。其形如牛。海人採捕。剝其皮懸之。潮水至則尾起。潮水落則尾伏。嶺表錄異。鹿□魚尾鬣皆有鹿斑。赤黃色。羅州圖經云。州南海中有洲。每春夏。此魚跳出洲化而為鹿。石頭魚狀如鱸魚。隨其大小。腦中有二石子如喬麥。瑩白如玉。黃蠟魚頭嘴長。鱗皆金色。鬻為炙。夜即有光如燭。東流縣有麥魚。其形銳小似麥。可愛。縣西十里上溪潭。出遡流至石瀨下。形漸大。越此則化蜻蜒。飛去人最珍之。述異記。奔鯨一名濁非魚。非蛟。大如船。長二三丈。有兩乳在腹下。雌雄陰陽類人。湧幢小品。金山神魚名黑隘。每歲廟神誕日。羣引海族來朝。率午方退。博白縣南大荒山出怪魚。名□妾。狀似人有翼。臍下有帶。長三尺。白如練。人能見而不得取。山海經。青丘之山出赤鱖。其狀如魚而人面。其音如鴛鴦。食之不疾。鱒魚如鮒而羸尾。其音如豚。見則天下大旱。出雞山黑水中。鯨魚如鯨。音如羊。出英山禺水中。冉道之魚。魚身蛇首六足。其目如馬耳。食之使人不昧。可以禦凶。出浣水。鯨魼之魚。狀如覆鉢。鳥首魚翼。魚尾。音如鑿石之聲。是生珠玉。出濫水。鯨魚狀如鱸。體有連甲。見則邑有大兵。出渭水。滑魚狀如鯨。赤背。其音如梧。食之已疣。出諸眘之水。何羅魚。一首十身。音如吠犬。食之已癰。出譙水。鰭鰭之魚。如鵲十翼。鱗皆在其羽端。其音如鵲。可以禦火。食之

不痺出鬻水。鮪魚食之殺人。出敦水。鱠魚狀如鯉而雞足。食之已疢。出浪澤之水。鮪魚身而犬首。其音如嬰兒。食之已狂。出諸懷之水。人魚其狀如鯨。四足。其音如嬰兒。或云人魚即鮪也。食之無癡疾。出丹洛二水。鮪父之魚。狀如鮪。魚首而羸身。食之已區。師魚出歷號之水。食之殺人。鯪如鯉而大首。食者不疢。比魚如鮪。一首而十身。其臭如蘼蕪。食之不糞。音響氣下泄也薄魚如鱸。一目。其音如歐。見則天下大旱。豪魚如鮪。赤羽。可以已白癬。修辟之魚。狀如龜而白喙。其音如鴟。食之已白癬。黃魚如魴魚。而赤鱗。食之不驕。鱣魚狀如鮪。食者不睡。鯨魚狀如蟄。雖而長距。足白而對。食者無蠱疾。可以禦兵。龍魚陵其狀如狸。一曰鰓。即有神聖。乘此以行九野。鮫魚人面手足。魚身在海中。□魚出正回之水。其狀如豚。□文。服之不畏雷。可以禦兵。養魚經。鯨魚其長丈餘。鼻端有肉骨四。□身之一。鱸魚四腮。巨口而細鱗。非江海之產。則三腮。魴魚腹下之骨如鋸。□□鮪魚身廣而頭銳。細鱗而軟骨。石首之魚。色黃如金。俗名黃魚。爰穀子曰石首。鮫也。龍鳴夜視。□有光。有鰓。虎魚類。土附而腮紅若虎。善食鰓。有□□魚首戴針芒。身長五六寸。河豚魚無類。無鱗小口。目能開合。鰓魚狹薄而首大。其形如刀。俗呼曰刀鱗。爾雅。鰓。鰓。刀注。今黃魚也。鰓魚巨口細鱗。□味鮮善背黑。

有斑亦名桂魚。鯽魚即鮒魚。鱈魚骨黃。又謂之黃頰。又爾雅。紛鰕。出嶽邪頭國。見呂氏春秋。陶朱公養魚經。今俗購魚秧。漁人泛大江。乘潮而布網。取之者。初也。如針鋒。然乃飼之以□□□□□□□□□□。屠或炒大豆之末。大則驚魚池。養之家。閩錄云。仲春取子於江。曰魚苗。畜於池。稍長入葦塘。曰葦鰓。可尺許。徙之廣池。飼以□。九月乃取。泉南雜志。鱣魚血碧似蟹。足十有二。長六七寸。穆天子傳。黑羊白血。以鱣況之。則亦可信。又聞魚大如指。長二三寸。花身紅尾善聞。人家畜之。呼為丁斑魚。

金魚

嘗怪金魚之色相變幻。遍考魚部。山海經稱景山睢水出焉。其中多文魚。水經隴坂沂水東北流。出五色魚。俗以為靈。莫敢採取。子虛賦有曰。網瑤瑁。釣紫貝。及魚藻洞。置五色文魚。因知其色相自來本異。而金魚特總名也。隨人好尚。與時變遷。初尚純紅純白。繼尚金盃金鞍錦被。及初頭紅。裏頭紅。連鰓紅。首尾紅。鶴頂紅。若八卦。若骰色。又出贗偽。繼尚墨眼。雪眼。紫眼。瑪瑙眼。琥珀眼。四紅。至十二紅。二六紅。甚有所謂堆金砌玉。落花流水。隔斷紅。塵蓮臺六瓣。種種不一。若三尾四尾。原係一種。體質近滯。而色都鮮艷。又金管銀管。廣陵新都姑蘇。競珍之。近時仁和張問渠者。家宰元洲。

之元也。母陳畜朱魚二十餘頭，玩弄日久，母歿，問渠哀毀，不忍往視，皆變為白羣。客聚觀，咸謂魚常變色無異也。比及去喪之日，魚復變赤儼同，除喪人謂孝感所致。

鯉不化龍

俗傳鯉魚能化龍，此未必然。鯉性通靈，能飛越江海。如龍門之水，千仞鯉能登之，故有成龍之說耳。按許慎說文，鮪魚三月溯河而上，能渡龍門之浪，則化為龍，不言鯉也。唐韻葑山名龍門，山在封丘，魚上化為龍，上不得點額，流血水為之，丹却無鯉魚之文。乃知俗說無稽。淮南子亦言龍門有水，鮪魚得上者便為龍，水經注鱣鮪出鞏穴，三月則上渡，紅門得度為龍，否則點額而還。毛詩義疏，鮪魚出海，三月從河上形似鯉，而色青黑，頭尖如鐵兜，鑿口在頷下，則上龍門者鮪似鯉而非，即鯉也。淮林登博物志稱龍門之下，每歲季春有黃鯉二魚，自海及諸川爭來赴之，一歲中登龍門者不過七十一。初登龍門，即有風雨隨之，天人自後燒其尾，乃化為龍矣。言鯉化龍，或本此耳。殊域周咨，安南嘉興州有艾山，山產仙艾，經春作花，雨後漂水羣魚吞之，過龍門，江化為龍。此江多鸚鵡魚，色青綠，喙曲而紅，能化龍。

玉芝堂談薈卷三十四終